

李嶠

竹居被塵

全唐文  
卷二百四十三之二百四十六



欽定今唐文卷二百四十三目錄

李嶠

代百寮請立周七廟表

為朝集使等上尊號表


為杭州崔使君賀加尊號表

為百寮賀雪表

為武攸暨賀雪表

為納言姚璿等賀雪表

為百寮賀日抱戴慶雲見表



爲百寮賀慶雲見表

爲納言姚璿等賀瑞桃表

爲百寮賀瑞筍表

爲納言姚璿等賀瑞石龜表

爲納言姚璿等賀瑞石表

爲百寮賀瑞石表

賀天尊瑞石及雨表

賀麟跡表

爲納言姚璿等賀破契丹表

爲雍州父老賀鑿駕停幸洛邑表

爲何舍人賀御書雜文表

爲韋右相賀拜洛表

爲秋官員外郎李敬仁賀聖躬新牙更生表

爲武承嗣等賀賊平後新殿成上禮食表

爲百寮賀恩制表

爲武承嗣讓知政事第二表

爲王及善讓內史第二表

...

...

...

...

...

...

...

...

以定全唐文卷二百四十三

李嶠二

代百寮請立周七廟表

臣某等言臣聞享帝立廟陳乎太極之典尊祖配天載乎  
厥初之頌蓋用嚴宗虔祀敦孝睦親以修海內之職以崇  
天下之訓斯千帝百王之所因襲也四學三雍之所講肄  
也伏惟大周繼天作聖踵武嗣徽湛恩洎於行葦崇構興  
於縣颺陛下纂祖宗之洪緒資聖神之睿問乾坤合德日  
月在躬利澤浹幽顯光明燭宇宙用能誕膺休歷丕臨大

寶近惟神祇福祿之祚遠想稼穡艱難之業后稷以弼諧  
大舜隆姬錫受命之符太皇以翼亮有唐聖武當樂推之  
運七百之鴻基不墜九五之尊位以光天休薦委靈命再  
集豈非積善累慶深仁厚德之致歟夫源長者流深道悠  
者利博是以商廟觀德享祀彌乎七代牧野追尊行號光  
於三葉今者徽章改物宗石變音神靈扶更始之運億兆  
慶維新之業宜其憲章典禮損益質文奉嚴配之恆事採  
褒崇之故實三昭三穆對於不遷之祖八簋八簋存乎如  
在之敬然後上以化下卑不臨尊宏詩人永錫之義合周



易大觀之象豈惟祖考來格實懷安樂之心故亦夷夏式  
瞻載佇雍熙之福伏願浚發皇鑒時流天璽考經籍哲王  
之典雜摺紳先生之議涓時擇日冊祝備禮臣等得參陪  
振鷺洗滌大牲承奔走之下列觀肅邕之盛典則一人有  
慶子孫承永保之祥四海宅心臣下得自安之地無任懃  
懇之至

爲朝集使等上尊號表

臣某等言臣等聞正覺旣隱而苦海橫流衆教不興而業  
風亂起則有至人應運元聖撫期援手而拯其沈淪推心

而救其焚爇四生不慧必將有以宅其緣六度未康必將  
有以振其緒慈氏越古金輪聖神皇帝陛下業隆四諦德  
懋三空道成於祇劫之初迹遠於梵天之外而深惻末教  
俯哀流俗宏善推之畧下濟蒼生屈無上之尊降臨丹扆  
神功暢於明一至德覃於吹萬三千國土咸登福壽之庭  
百億天人並出塵勞之境能紹七佛之鴻業躡三身之正  
位雖多寶之證明法教出見空虛釋迦之愍護凡愚來遊  
穢濁未足以仰參神變遠婉仁慈臣等宿植有因生平多  
幸聖朝難遇類萸葉之希逢法主儻來似曇花之一出屬

千齡之大慶欣萬劫之禎符是用下訪謳歌旁稽識籙攀  
玉署駕鴻之議雜金園龍象之謀拜手闕庭虔奉徽號叫  
帝閭而延佇徒罄丹誠仰天路而遲回不流元霈朝野失  
望衣冠沮色竊惟聖人忘己以百姓爲心菩薩救時共衆  
生合體是故屈伸進退因其志而不違變化感通順其求  
而不隔伏乞暫回聖慮俯鑒愚誠宏至公之大道畧鳴謙  
之小節特命有司勉膺殊典使尊名嘉號與法日而俱懸  
寶算靈基比恒沙而不極臣等得預陪下列攀奉末光長  
登正法之筵永樹來生之果豈不幸矣豈不大矣無任誠

錢定本唐文卷三十四  
三  
懇之至謹詣闕固請以聞

爲杭州崔使君賀加尊號表

臣某言伏奉五月十一日制書陛下俯順羣情懋膺大典  
垂光休於百代被鴻私於萬族凡在含生孰不慶幸臣某  
中賀臣聞太朴旣謝旦昏之迹已殊聖道不追王霸之風  
且雜雖崇號廣溢遞享於尊名而德薄政衰不光於神器  
伏惟越古金輪聖神皇帝陛下承大雲之法記應榮河之  
寶籙以天上天下之尊爲隆平太平之主不言而理三階  
正而六氣調不怒而威萬寓清而百蠻服延富壽於和平

制雍熙於易簡懷恩慕化之黨倏雨占風疇德瑞聖之符  
非煙若霧青襟詠歎於庠塾黃髮謳吟於衢路固可使堯  
舜擁篲禹湯扶轂踰賢劫而首唱邈梵天而高視豈登三  
咸五邁古超今而已哉嘉號初登殊章備舉鋪帝容而建  
皇極大寶重光撫乾軸而正坤維洪爐再造仙渙與祥風  
俱動湛恩將洊雷並作緩姬文之獄旣削爰書錫漢后之  
醕且頒戎級滂流之澤出九掖而浸羣方抃躍之音自三  
川而周四海加以崇祇肅於梵宇致嚴恭於清廟申冤舉  
滯而有善必甄享德報功而無文咸秩規模粲而洋溢道

德純而布濩豈徒朝野稱慶觀美化之維新故亦神祇降  
祥見鴻基之載永臣叨延龜組繆分虎符千年有遇更逢  
開闢之初百辟相歡不預趨馳之末瞻雲路而式作仰天  
庭而載佇踴躍之懷企聳無極不任鳧藻悅豫之至謹遣  
某官奉表陳賀以聞

爲百寮賀雪表

臣某等言臣聞至道充被而沖和感發元化沈潛而祥物  
昭應伏惟皇帝陛下合德天地齊光日月陶正氣之氤氳  
降元符之肸鬻用能經緯六合驅馭百靈垂旒法宮而品

物清晏揆景中土而風雨休若三元肇革九陽初動撞黃  
鍾而布氣順元冥而率職曾陰候律豐澤順時蒼蔚方興  
起太山之膚寸參差荐委自平地而盈尺銅街治其如素  
金隄紛其遂滿縈樓樓檻凝璧臺之九重落絮飄花似芳  
林之二月豈惟洛神呈象來舞帝宮故亦海騎相趨下朝  
仙闕東臯欣而望歲南史慶而書祥萬寶登秋居然可詠  
雙銅叶唱即事非遙自非睿感通微乾心輔德何以降神  
靈之滋液發兆庶之歡慶臣等恭承元造沐浴太和欣聖  
澤之滂沛對天休而踴躍無任鳧藻之至謹詣朝堂奉表

稱賀以聞

爲武攸暨賀雪表

臣某言自涉隆冬頗虧甘液皇情睠佇聖德憂勤罔罔  
之罹憊念祈寒之在節爰發恩造親慮囚徒絲絳始行寒  
光已布德音纔降同雲便飛落絮飄花與新梅而競彩凝  
光吐艷共霄桂而連輝俄盈九域之中遍灑四瀛之外遂  
使狴牢式舞布霈澤於三天畎畝長歌佇豐年之萬庾報  
應之速固影響而無違慶躍之私在臣妾而何極無任欣  
抃之至謹奉表陳賀以聞謹言



為納言姚壽等賀雪表

臣某言自元冥授節素液未流宿麥翹滋陳根俟拔聖情  
迴睠天造曲成載想狴牢有矜幽滯方臨聽訟之觀且閱  
明刑之書中旨纔宣上元俄應沛乎降澤油然興雲凝瑞  
色於千里散禎祥於六出積素彌晝下集於瓊臺飄花滿  
空序霈於玉樹海神奔走而來賀田畷謳吟而共舞靈心  
昭發事速於置郵聖意冥通有同於合契臣等謬當樞近  
親覲休祥抃躍之情實百恒品無任欣慶之至謹奉表陳  
賀以聞謹言

次定全唐文 卷一百四十三 李嶠 六

爲百寮賀日抱戴慶雲見表

臣某等言臣聞大人造物亨衢所以貞觀上帝懸象層穹  
所以照臨合其德而先後不違契其誠而表裏潛應伏惟  
聖母神皇陛下仰應顧託俯順謳歌臨天下之大寶當域  
中之正氣斟酌律度三神援序毒之權鼓舞陰陽萬象入  
財成之契六幽金鏡四時玉燭凱澤將膏雨共流協氣與  
景風齊暢故能使天地儲祉靈祇降福樞紐薦符勾芒錫  
壽自呈有命洛書肇出惟宗社之饗德迪神明之祚聖象  
物昭應休徵煥發每至十二月元珉啓匣綠錯披題遷寶

祕於東序視衣纓於北闕必有仙鶴翔集雲烏杲曜祥光  
入於九重異氣懸於三象雖復鼎來汾水黃雲冠於北山  
劍在豐城紫氣沖於南斗無以方斯影響近此闕天作符  
籙動而有徵日官考驗以爲常準日在朔月時惟孟秋奉  
鴻休而正位先告辰而解網休日申酉衆姬稱賀申禮既  
畢詔示帝圖芝檢初開扶光未徙即有氤氳傳漢發祥於  
俛仰之間蕭索浮天舒彩於折旋之際於時睟容當宁嬪  
儀在列文物充於紫庭暉光察於元象或抱或戴拱環佩  
之威儀非煙非雲奪禕褕之彩色兩宮胥拊六妃式舞欣

就望之近臨悅光靈之下濟臣等謹案孝經援神契王者  
德至於天則日抱戴又黃氣抱日輔臣納忠瑞應圖曰天  
子德孝則慶雲出又曰天下太平慶雲見陛下宵衣旰食  
至德通於九元皇帝錫類推恩純孝刑於八表惟明求道  
若金在礪自物觀化如草從風屬千齡之景業承肆眚之  
鴻霈乾坤合而喜氣生圖籙啓而禎符作旣以發揮天德  
昭寶運之隆平且以光翼端章究靈心之終始自非上下  
和洽幽明薦成何以徵造化之神偉合天人之符契昔者  
元珪受命無聞感召之祥赤土披圖不發昭回之貺故知

冥祇戢道歷載祀而潛休靈物俟時當聖明而効用事超  
六籍之外聲高百王之表卓哉至矣無得而稱臣等謬奉  
隆知親承大慶朝聞夕死每竊抃於昌期手舞足蹈敢承  
歡於下列無任鳧藻踴躍之至謹詣闕奉表陳賀以聞

爲百寮賀慶雲見表

臣某等言伏見今月十一日誅反逆王慈徵等乃有慶雲  
見於申未之間蕭索滿空氛氳蔽日五彩畢備萬人同仰  
伏以慈徵等並典司戎旅出入禁闈反德亂常背天逆理  
聖靈感通神祇昭應雖逆節始萌而潛謀必兆窮姦回之

密計盡包藏之巨慝並膏斧鑕俱肆朝市五屬明啓嚴刑  
應於九秋萬寓悅豫嘉氣呈於三象此實天人合德宗社  
降休欣紫宸之永固在蒼生而知幸無任嘉慶之至謹拜  
表稱賀以聞

爲納言姚瑋等賀瑞桃表

臣某等言伏見內出靈桃四實共同一蒂禁園芳果仙庭  
竒樹名珍杏柰族茂櫻胡鮮花發於上春嘉實成於早夏  
四而爲一表四夷之一君異而爲同明異方之同貫漢宮  
留核曾所未窺衛國報瓊何能竊似殊祥靈應疊貺駢臻

凡在見聞孰不歡躍臣等謬當樞近累覲休符喜抃之情  
實萬恒品無任欣慶之至謹奉陳賀以聞

為百寮賀瑞筍表

臣某等言伏見舊明堂基前有叢竹抽新筍數莖綠籜含  
霜紫苞承雪凌九冬而擢穎冒重陰而發翠伏惟陛下仁  
兼動植化感靈祇故得萌動惟新象珍臺之更始貞堅效  
質符聖壽之無疆鄰帝座而虚心當歲寒而抱節一人有  
慶萬類呈祥凡在見聞孰不欣躍無任慶抃之至謹奉表  
稱賀以聞

爲納言姚璿等賀瑞石龜表

臣某言伏見衡州所進瑞石其形似龜頂上有文曰大周并有乾坤卦字左邊有王武九千字又有水火金木土字各依其方北邊兼有井字臣等詳觀靈字伏覩竒文事實非常理同神契首列大周之字表元首之尊左有王武之名明左契之執合乾坤之兩卦分金木之五行五行展轉而不窮兩卦周流而無極井以養物而知渥澤之下覃石以補天乃顯貞文而上列將以九千之寶祚嗣七百之鴻基兆發靈心事符嘉運况復名爲元武叶國姓而呈休出



自炎方迎嚮明而發祉神祇之命受託於四靈感應之符  
實超於千載臣等叨延恩華屢覩嘉祥喜抃之情實百常  
品無任慶躍之至謹奉表陳賀以聞謹言

爲納言姚璿等賀瑞石表

臣某等言伏見瑞石有文曰武帝李彰好生臨國永保吉  
昌伏惟陛下受命旻穹降靈宗祐複棟重簷之禮嚴配昭  
升五刑九辟之科平反宥恤故能使三精孚德七廟垂祥  
頻降靈符屢彰潛祉好生臨國實開琬炎之文永保吉昌  
顯示堅貞之籙隆萬代之遐算曠千齡而不聞臣等叨沐

恩私謬當樞近親覲休寶相趨抃躍無任喜慶之至謹奉  
表稱賀以聞仍請出示百寮并錄付史館

爲百寮賀瑞石表

臣某等言臣聞高明博臨無遠不應正直潛感雖幽必通  
伏惟皇太后陛下慶發曾沙業隆大寶以至明當宗社之  
寄以至聖合乾坤之德荷三葉之休光承五形之歷紀平  
秩庶政大亨羣物冠帶遐荒之域天福日臨閭閻富壽之  
氓禮變樂和液露霑洽休徵昭顯用能上披乾象下發坤  
珍吐川之靈祕開神之韞匱伏見雍州永安縣人唐同泰

於洛水中得瑞石一枚上有紫脉成文曰聖母臨人永昌  
帝業八字臣等抃窺靈跡駭矚珍圖俯仰殊觀相趨動色  
竊惟聖德奉天遞爲先後神道助教相因發明陛下對越  
昭升欽若扶謂允塞人祇之望實當天地之心所以幽贊  
嘉兆傍通景貺且人稱同泰縣實永安姓氏將國號元符  
土地與石文明應表裏潛會樞機冥發明宴坐之逾昌驗  
皇基之永泰則自然之無朕不測之謂神非夫道格昊蒼  
德充幽顯豈能發何言之微旨臻不召之靈物考皇圖於  
金冊搜瑞典於瑤編則有蟲蠹成文魚鱗吐匣丹書集於

昌戶綠錯薦於堯壇或詞隱密微或氣藏識緯莫究天人  
之際罕甄神祕之心未有昭聖毓靈發祥隕祉明白顯著  
燭曜暉光若斯之盛者也且夫導洛疏津卜瀍經宇是開  
帝王之宅實謂龜書之泉伯禹以致孝鬼神九疇天錫陛  
下以虔恭顧託八篆靈開超萬祀而同存歷百世而罕逮  
況乎陰陽景測朝市天臨號令施於四海機衡動於萬國  
靈心叶贊景業會昌薦希代之鴻寶獲非常之嘉應固可  
以明禋大寶禮秩介邱副神宗之廼眷荅上元之蕃祉臣  
等遇偶休明榮參簪笏千年旦暮邀逢累聖之期百辟歌

謳喜屬三靈之慶無任鳧藻踴躍入至謹奉表詣闕陳賀  
以聞

賀天尊瑞石及雨表

臣開大悲握契汲引之數盈千元聖垂機感現之瑞不一  
隨緣應俗或作孺童降跡通凡常為長者然則前佛皆同  
一字可通道一作非道理兩名至矣哉不可得而稱也伏惟

天冊金輪聖神皇帝陛下功成塵劫跡御金輪萬姓樂推  
百靈欣戴如來備記昔遊天女之宮菩薩降生遂坐人王  
之國臣等一昨伏見西岳雲臺觀道士奏稱御像瑞石大

妙至極天尊一鋪創造聖容未施五色宿昔之頃畫績自  
然不加之分宛同神化七十二相合而成體八十一好散  
而成章披絳雲之室闢明霞之館千乘億騎浮空而下九  
仙五老步虛而來羽抱錦帔風搖雲起龍文而鳳章日縣  
而月綴威儀而睟侍衛舞聲坐疑龍漢之遊何必仙山之  
會自非陰陽不測變化無方憑法匠之威靈假神功之動  
用其孰能與於此中賀臣等又聞先天後天聖德合於無  
象欲雨而雨元契通於不言日者王室闕聞炎方在候陞  
下乘朱駱駕赤騮歷太陽之中道居明堂之左个百神受

職萬國來朝既配帝而嚴禋亦統天而布政是時也慈雲  
結慶甘露流香微風蕭然纖塵不起凡百在宥動色相歡  
咸以爲天者萬人之本物有不霑於澤者則仰皇天而望  
之有不覃於惠者則籲告而請之更祈洪澍輒聞流潦俄  
而油雲族晚覆雙闕而朝濟膏雨及私浹三川而夜下郊  
原吐潤呈彙霑蘇麥壟纖莖已濯兩岐之秀黍田香粒方  
滋合穎之苗凡在羣生不勝幸甚然後知御雲臺而占繇  
幸洛陽而錄囚蓋其眇少曾何髣髴臣等幸忝簪笏預睹  
珍符惟德洞冥即叶元皇之化惟靈薦福長延梵帝之尊

金定全唐文 卷一百三十三  
三  
扑蹈之情倍百恒品無任鳧藻之至

賀麟跡表

臣某言今月十六日聖上擬檢行安置大像處其夜舊著  
大像曜儀院內從南行向北總有八十一麟跡見外無入  
處內有出蹤靈貺潛開禎符顯發惟此仁獸獨冠毛羣識  
變知機通靈感化悟金輪之欲轉即見殊祥知玉輦之方  
遊先呈異跡九九爲數明歷算之無疆濯濯咸歌見休明  
之有應五蹄顯五方之會一角彰一統之符式廣鴻基方  
宏象教昔有鳳巢軒閣纓冕相趨龍止堯壇神祇動色豈



若祥開紫掖瑞感元樞發揮萬劫之符幽贊三天之果美  
超五籍珍越四靈曠千古而不聞超九皇而獨遠臣濫承  
驅策親覲嘉祥欣慶之情實倍恒品無任抃躍之至謹奉  
表陳賀以聞伏請頒示天下錄付史館

爲納言姚瑋等賀破契丹表

臣某等言伏見遼東都督高仇須承露布逆賊孫萬斬等  
驅率凶黨燒逼州城城中出兵與其賊拒戰則有飛廉作  
氣回祿揚燄起沙礫而薄天助茲鼙鼓吹煙火而漲日燎  
彼鴻毛靈應潛施勇士皆奮遂使妖徒震懾亂轍而搴旗

善戰橫行摧枯而拉朽僵屍蔽於草芥俘馘聚於轅門善  
馬咸牧名王且繫無假燒雞之策而觀其自焚不勞燧象  
之師而撲其餘燼又凶渠不逞將竊號而假名逆黨未悛  
止挺妖而怙亂或神摧其股或天厲其身似安國之登車  
同伯牛之自牖故知高明輔順正直司憊惟辟好仁與乾  
坤而合德惟狂樂禍在神鬼而同誅方看翦滅之期行覲  
凱旋之奏臣等叨延弊渥謬奉軒墀抃躍之情實萬恒品  
無任慶快之至謹奉表稱賀以聞謹言

爲雍州父老賀鑿駕停幸洛邑表

臣等某言伏奉今日詔書鑿駕停幸洛邑臣等輕生多  
幸淺識逢時青襟遊聖人之國白首觀太平之化常恐涓  
埃難效溝壑易期所以眷戀軒宇徘徊霄極日者農秋斲  
缺庶政微勤天皇損上益下忘身循物便欲移鑿徙蹕望  
河洛之封畿削賦蠲徭罷咸秦之力役臣等仰銘元造退  
揆愚心誠以天府膏腴帝畿殷實雖菑畚之務稍闕於干  
箱而衣食所資尚豐於累載況惇嫠賙給家室又安何容  
使展座鳴謙聖躬服劬勞之事衡門高枕臣等蒙過差之  
澤是用低徊跼蹐杼柚慙惶方且選議蓬茨推中襟於白

屋因言槐棘外下情於紫路不謂乾心俯應聖德泗融降  
六璽而紆紱回三光而改照人欲大從旣通誠感稟靈含  
氣疇非慶躍竊惟政途非一朝務有恒國彛不可以恩廢  
家征不可以事闕天皇愛精頤壽荅兆庶之歡心臣等畢  
力窮年供黍稷之餘稅庶得百度無曠九功惟敘伏望皇  
明乃睠輿輦少安則海甸蒸人撫耕鑿而知勉渭濱遺老  
仰雲天而識庇無任踴躍之至

爲何舍人賀御書雜文表

臣彥先等言臣於梁王三思處見御書雜文尺牘凡九十

卷跪發珍藏肅承瑤檢天文景鑠璧合而珠連聖理雲迴  
鸞驚而鳳集究黃軒鳥跡之巧殫紫府結空之勢偃波垂  
露會寶意而成新半魄全曦象天形而得妙固已竒蹤絕  
俗美態入神掩八體而擅規模冠千齡而垂楷法重以語  
成四教文總六詩聲咀徵而含宮旨懲違而勸德用之於  
國敦風俗而厚人倫行之於家習雍和而崇孝敬惟彼良  
翰特蒙殊弊銘厚渥而歡悚竭深誠而奉戴是用編之玉  
軸勒以銀繩盡罄梁珠特裝瑋瑁之匣總收陶璧用飾瑠  
璃之筍雕鏤十品緹巾萬襲芸香却蠹芝體爲封珍寶之

精下燭西崑之岫文章之氣上纏東壁之象實可謂天下  
之妙迹域中之竒觀者焉臣等幸遇休明叨近簪笏駭矚  
非常之瑞欣逢不世之寶足蹈手舞徒懷鑽仰之心夕死  
朝聞豈識名言之地無任抃躍歡欣之至謹奉表陳賀以  
聞

爲韋右相賀拜洛表

臣某等言伏見五月九日制書將拜圖溫洛肅事南郊御  
朝堂列羣后恭聞大禮不勝慶躍臣某中賀微臣泛覽金  
冊詳窺玉版商較於七十二代下上於數百千年以義軒

稱皇所貴者河圖龍出以堯舜稱帝所尊者洛書龜負猶  
木聞總集靈命宏敷聖業籠大勛於萬代盡能事於一朝  
非天下之至神其孰能與此乎伏惟皇太后陛下肅膺遺  
託光踐丕基皇業高於補天母德隆於配地東西浹洽窮  
八際而流河海南北貞明洞六幽而懸日月淹中訪禮汶  
上披圖情每留於布政義不忘於宗祀於是全謀聖造異  
制神行迎四象而疏闡向八風而闢牖上圓法天而煙雲  
爲之動色下方象地而龜玉所以呈姿元功叡範洋溢於  
歌頌祕采靈文昭彰於篆刻豈白銀青玉惟傳地理之經

黃魚黑鳥但播天乙之號可以荅上元之命可以光累聖  
之隆制有司陳法駕用禋柴之典採沈璧之儀然後負黼  
展而朝百神垂衣裳而會萬國不亦休哉不亦盛哉臣忝  
預出征恨深留滯河西弔影銜珠之託未申洛北馳心拊  
石之歡何極不任悚懼之至

爲秋官員外郎李敬仁賀聖躬新牙更生表

臣敬仁言昨因奏事蒙恩入對伏見陛下所御湛露殿三  
間兩間雨漏無所修葺又因顧問之次伏承聖旨云去年  
口中生一齒今年又生一牙臣伏以聖德謙沖躬自菲薄



富有四海尊居萬乘而中堂外扉不閱於寒暑上棟下宇  
未離於燥濕降紫宸而齊白屋屈帝力而用氓心雖昔之  
采椽土階茅茨蒿柱漢皇之儉用夏后之卑宮六籍之所  
讚揚百家之所記述曷足以希風上聖仰帝道之崇高擁  
篲後塵望皇輿之軌躅臣又聞之易有四營金牙爲壽考  
之象詩有六義玉齒載神仙之謠還年而編貝不虧却老  
而瓠犀仍出亦有堅而不脫聞於導養之方落而更生得  
自靈飛之散斯並道藏幽記術隱上清誠福力之所招匪  
勤求而可致陛下端莊靜默寬惠仁慈抑嗜欲而省煩勞

恤饑寒而甘弊陋宜其延貺宗社受報黎元集天地之休  
和享靈祇之介祉故得百祥護體五福登年同鎬邑之夢  
齡邁鑣宮之錫壽豈徒一人有慶常居北極之尊實乃萬  
姓同歡共仰南山之固臣謬以庸賤獲奉宸嚴欣聖壽之  
延長願稱大慶見宸居之北損思揚至德乞宣示海內仍  
錄付史館庶使六合之中知寶算之方永百代之後頌休  
風而不絕無任抃躍之至謹詣闕奉表陳賀以聞

爲武承嗣等賀賊平後新殿成上禮食表

臣承嗣等言伏見逆賊盡滅未誅先斃叛奚部落不守自

降或貫盈而亡或懾懼而伏行從除殄不勝慶快臣承嗣  
等中賀臣聞違逆助順穹昊所以照臨振遠懷荒邦家所  
以底定蠢茲豺虺憬彼犬羊稱亂白山虔劉蒼海豈徒石  
罟楛矢式過於天朝故亦桑弧鐵衣憑陵於邊朔陛下乃  
矚愚悖情深遵養聊用七旬之舞未加五戎之罰雖大聖  
之德恒存於好生而冥祇之心有切於除害驅桃都之厲  
鬼剿檀石之妖魁不資舉網之勤而長鯨已曝無假合圍  
之費而封豕先屠有以知神道之難誣有以見天心之不  
遠元凶旣覆餘孽旋殲畏威者鼠竄而離心懷惠者鴈行

而革面毳幘連路氍裘成市與夫姬得瑞穎胡越裳於累  
年漢獲駢柯俟匈奴於後歲若斯而已也方仙巢而盡落  
佇匣刃而藏鋒自非睿感潛通靈符叶贊豈能使天地假  
手幽顯同心及有秩之方歌屬斯千之肇獻上棟下宇儲  
百福而擁神休開陽闔陰積千祥而宜聖壽配南山而永  
固與北極而長尊仙聖所以安居黎元由其式抃臣等幸  
逢昌運叨延嘉粦喜遐陬之霧廓且覲歸牛欣大廈之天  
臨方同賀雀願奉需雲之慶思承湛露之歡無任區區之  
誠謹上禮食若干輦蘋羞何有希陳上帝之筵芻豢非珍

遂同野人之獻旋顧單菲追增悚忤謹隨表進奉以聞臣承嗣等誠歡誠喜頓首頓首

爲百寮賀恩制表

臣某以下文武官九品以上二千七百五十人等言臣等伏見今月九日恩制緣逆人親屬有能公勤清白者自當隨材擢用不以爲瑕宜各坦懷佇收來効臣等仰承恩造伏誦德音感戴屏營忤舞相屬臣某等誠歡誠喜頓首頓首死罪死罪臣聞父殲子興聖賢忠厚之教之死宗戮季末陵夷之道或罰不及嗣或禍并其族淳朴浸往惻隱不

逮於昆蟲法令滋章網羅必及於麇卯天厭淫虐誕興明  
聖掃百王之餘弊張網羅而更理去貪殘而遂生育品物  
昭蘇哀獄訟而緩虔劉寰瀛凱懌刻薄之風盡敦厚之化  
流猶且締想納隍凝情溝壑在予之旨固以刑於萬方拯  
物之心豈直解其三面日者亂臣于紀巨猾滔天將傾渤  
海之流且觸崑山之柱陛下傷澆浞之爲變弔管蔡之不  
咸法雷電之威誅而不怒用春秋之義斷必以情擢其髮  
而葬其尸殲其魁而宥其黨漢主三夷之法黜而不行秦  
王九族之刑矜而莫用至若瓜連萍託枝附葉隨或玉石

難分或淄澠易混俱削嫌疑之迹槩從寬大之文遷州貶  
縣纔示於小懲竄海投沙尚班於榮級則是我有大造於  
羣凶也而聖慈無已天澤逾隆並運四時乃錫造於平分  
之外不遺萬物尚加惠於曲成之表使枯朽之幹向秋而  
更榮窮涸之鱗在轍而能躍藏其疾而舍其垢責其效而  
要其功雖魏士之私於外朝獲安反側商人之染於汙俗  
咸與維新無以匹此含宏方斯滌蕩陛下祚始艷鎬嗣周  
家之忠信卜於漻洛承夏鼎之休明三后在天日歌於盛  
德四夷爲守永慕於高義方當鬼神降福豈止黎庶歸心

臣等沐道昌期叨榮顯列觀太平之德禮聽中和之詩頌  
雨露之施徒仰於財成天地之仁豈議於酬答無任欣戴  
踴躍之至謹詣朝堂奉表陳賀以聞臣某等誠歡誠喜頓  
首頓首死罪死罪謹言

爲武承嗣讓知政事第二表

臣某言臣由衷之辭已具前表分外之澤仍叨後恩祇命  
低迴不知所處臣某誠惶誠恐頓首頓首死罪死罪臣九  
能無術五技不成空荷陶甄竟微知效陛下篤猶子之愛  
用家人之慈流其渥恩被以簪組析珪分器等姬氏之藩



維裂壤誓河承漢家之禮秩皇儀曉列拜金展而升玉墀  
仙蹕晨遊陪柏梁而侍蒿柱在臣榮幸實冠等夷惟臣妄  
庸已成忝越豈可以仍祇大命更竊厚恩任濟時之股肱  
爲巨川之舟楫且臣屬居宗室地接葭莩惟社稷之安危  
乃門庭之休戚豈不願磨頂至踵禪高益深徒以智力有  
涯勉強無地懼傾軫之爲敗憂折鼎之生災匪藏器而謀  
身實輸誠而體國伏乞俯矜愚劣永鑒隆替思懋賞懋官  
之義用知臣知子之心特停過恩速寢嚴命則物情輿議  
咸仰於至公叨榮謬官不塵於則哲無任慙懼屏營之至

謹詣閣奉表以聞

爲王及善讓內史第二表

臣及善言臣叨荷殊私冒陳至懇而惕慮昏於凡識深誠  
蔽於短辭丹槩罔通紫泥徒渥祇奉還答周惶失措臣中  
謝臣才疎行缺運偶時來榮匪德遷官由恩達法河象岳  
升臺歷府行參八命坐陟九霄彤軒阜騶非振鷺之飾青  
組丹紱是濡鵜之譏施重邱山效微涓滴妨賢自久速謗  
滋深頃因齒髮之衰得蒙骸骨之賜西河退老非翫經書  
東海歸閒空求藥餌方養支離之疾翻成愷悌之恩曲降

絲綸重收簪履徵榮朽木責焰寒灰將使策蹇磨鉛入總  
樞祕牽羸引憊參典鈞石仰抃恩渥顧探心守桑榆且晏  
蒲柳先秋方與絳縣老人論其甲子淄川艾耄比其容貌  
將何以對敷金展趨奉玉墀當鳳沼之便蕃望龍闈之清  
切況寅亮皇極經綸帝道功參濟巨義等作霖隆替是因  
具瞻斯在永言授受豈當容易是用深鑒陳力載懷量已  
方憂折鼎乞保懸車且今百度惟貞九流式序鴈鴻齊列  
俊乂在官豈可使畫虎承羞豐貂竊幸謬中孚之好爵辱  
大雅之能官伏願深惟至公俯收曲澤矜此疲劣改命才

賢則器滿之凶不累於愚叟棟隆之吉永光於聖代無任

慚懼屏營之至謹重詣朝堂奉表以聞

中平之秋

具陳

以

祿

其

且

人

欽定全唐文卷二百四十四目錄

李嶠三

爲王方慶讓鳳閣侍郎表

第二表

爲楊執柔讓同鳳閣鸞臺平章事表

讓知政事表

讓鸞臺侍郎表

爲張令讓麟臺監封國公表

爲第二舅讓江州刺史表

爲武嗣宗讓陝州刺史表

爲竇孝謏讓潤州刺史表

爲李景謏讓天官尚書表

讓地官尚書表

爲歐陽通讓夏官尚書表

爲楊執柔讓夏官尚書表

爲歐陽通讓司禮卿第二表

爲武鍾規讓司禮卿表

爲崔神基讓司賓卿表

爲宗楚客讓營繕大監第三表

爲王遺恕讓殿中少監表

爲第十舅讓殿中監兼仗內閑廄表

讓麟臺少監表

讓成均祭酒表

自內史再讓成均祭酒表

爲武攸暨讓官封表

爲武攸暨讓兼知司禮寺事表

...

...

...

...

...

...

...

...



欽定全唐文卷二百四十四

李嶠二

爲王方慶讓鳳閣侍郎表

臣某言伏奉恩制以臣爲鳳閣侍郎同鳳閣鸞臺平章事  
恩寵光臨獎飾踰分虔荷明命營魂失守臣某中謝臣學  
非儒墨術異商韓文乏斧藻藝慚刀筆屬乾坤貞觀日月  
光輝飛龍在天而庶物咸覩仙兔離畢而羣萌皆潤遂得  
封植樗散謬齒於翹薪翦拂駑駘濫陪於逸驥驟荷私遇  
頻階榮擢入參丹閣出擁彤騶爰自海邦遂升河輦佩若

若之綬駑麟麟之轂叨恩竊幸空變星霜尸祿妨官曾微  
報效宜受素滄之責翻成黃閣之榮夕拜瑣闈朝陪禁省  
敢希任先淑睿之美每憂王歆謬誤之失而天慈逾渥聖  
澤無涯爰迴斗極之暉更寵掖垣之授下神畿而入仙禁  
未變葭灰自鸞渚而遊鳳池僅彫莫葉荀侯之十旬累命  
未可爲儔車公之同日九遷曾無足比旣超倫而邁等實  
負愧而承羞臣亦何人敢叨非據況樞祕之重絲綸是職  
言參元化步入紫微臣蒲柳旣秋桑榆漸迫耄期云及衰  
疾徂侵以日暎之歌當夜行之罪招愆獲謗非爲身謀敗

駕傾餽將貽國負蓋力周於用則輕重咸宜任過其材知  
巨細同躋伏願察臣知止之分矜臣自量之情杲乎出日  
迴三舍之光油然作雲垂九霄之澤曲收過謬改命才賢  
則維鷦之譏不起於輿誦振鷺之詠復聞於朝序無任悚  
懼之至謹詣朝堂奉表以聞所讓人別狀封進臣某誠惶  
誠恐頓首頓首死罪死罪謹言

第二表

臣某言臣由衷之祈已具前奏而不次之澤仍垂後恩俯  
仰慚懼莫知啟處臣某誠惶誠恐頓首頓首死罪死罪臣

爰從壯齒不逮儕流況在耄期曾何志力嗟負鼎之無術  
患挈瓶而屢空徒以慶雲垂津枯槁蒙澤杲日流煦嚴霜  
不凋貪及聖明之長願從簪屨之列僂俛榮祿推遷歲時  
豈忘陳力之言方致乞骸之請不謂聖慈迴睠天造曲成  
東膠尚賢未始澄汰西伯養老更垂優渥拔跡囂滓之曹  
假寵神仙之署二離齊景八舍連芳款段涉千里之途輪  
困爲萬乘之器龍池沐髮始暢前榮鳳沼躍鱗旋叨後命  
顧茲疲朽理絕琢磨在方圓而罕施顧長短而無取豈可  
以仍塵帝載累素國經使身貽鼎覆之憂朝失棟隆之舉

是用內慙外懼夕惕晨興輕薦本誠敢謝非飾伏乞矜臣  
難奪之志體臣不移之愚特停過恩改命賢哲則濟濟之  
詠復聞於聖朝洋洋之美不專於曩載無任慚懼之至謹  
重詣朝堂奉表以聞

爲楊執柔讓同鳳閣鸞臺平章事表

臣某言伏奉恩制命臣同鳳閣鸞臺平章事受命祇懼載  
驚魂爽臣執柔誠惶誠恐頓首頓首死罪死罪臣聞任官  
擇人哲王之所不易陳力審分忠臣之所宜守固當使寵  
私路絕公直道行然後能諉譴不興緝熙有寄臣材非上

達地則外姻攀日月之末光承雨露之餘渥遂得持衡天  
闕攝職斗樞塵八座之政本忝三軍之戎務高秩厚位徒  
辱於庸虛弱霧輕埃竟微於荅效盤桓寵祿俛歲時甘  
受維鷄之刺寧懷振鷺之舉而聖慈無已天造彌隆復使  
參掌國鈞預聞執政撫已慚悸捫心震越夫以衡石萬機  
鹽梅三鉉參翕闢之元造輔丹青之景化自非騰莘占渭  
出昴乘箕安可寅亮帝圖弼諧不教臣之蒙蔽久塵聽覽  
豈足以僞允物情上迴天鑒承舟楫之遠託當股肱之重  
寄伏願暫停旒纁俯擇芻蕘搜訪才良用平分之道屏絕

私昵收曲成之惠則域中多幸天下至公豈惟匪服免譏  
臣無器滿之懼固亦得賢斯在朝有棟隆之吉無任慚悚  
之至謹詣朝堂奉表以聞

讓知政事表

臣某言伏奉恩旨令臣同鳳閣鸞臺平章事有命自天光  
寵踰量如集於木啟處失圖臣嶠誠惶誠恐頓首頓首死  
罪死罪臣聞簡賢任能百揆所以時敘謬官失職九流於  
是咸曠隆替所寄義不可輕臣才實凡庸志無遠大叨預  
簪履遂升臺閣踐金門而遊石室掌狐史而參鳳綸被蜚

游之衣灶 糲榮寵接鴛鷺之羽久慙尸曠甘受妨賢之責  
忽承非次之恩仍使參預機衡獻替帷幄持濟巨之舟楫  
味和羹之醯醢以挈瓶之智陪負鼎之遊將何以祇奉帝  
難弼亮皇極況丹青所運鼓舞通於四時鑪錘所裁網紀  
行於萬俗動關政體豈易其人臣才闕行踈藝殫術淺同  
子房之多病異吳漢之強力策支離之杖未振其軀資擁  
腫之材豈勝其任將恐貽災傾餽取辱敗軍喪實虧名夫  
豈足惜害公撓法茲焉是懼敢緣陳力之義輕布由衷之  
請伏冀九霄垂澤三舍迴光體臣不移之愚矜臣難奪之



志特停過謬改命才賢則器滿之凶不累於凡鄙棟隆之  
吉永光於聖代無任慚懼屏營之至謹詣朝堂奉表陳讓  
以聞

讓鸞臺侍郎表

臣某言伏奉恩制以臣爲鸞臺侍郎依舊同鸞臺鳳閣平  
章事兼修國史仰祇聖澤退揆愚衷周章失圖怵惕惟厲  
臣某誠惶誠恐頓首頓首死罪死罪臣聞疇德而授則尸  
曠之譏絕推恩而舉則緝熙之道廢臣志狹量淺業空理  
踈揆才異言行之科入仕非廉高之選邀屬時幸累叨榮

級石渠麟閣司典籍之林金門鳳池參廟堂之議以小才  
而居大任用近智而恢遠略緣鶴之鼎既失於鹽梅濡鵝  
之衣實慚於紱冕甘待素滄之責忽承非次之恩夫以瑣  
闥崇嚴玉堂祕近職參持蓋位亞掌壺子雲以善屬文詞  
始應夕拜李真以妙通經術方陪旦講臣之愚陋實畏友  
朋豈足以奉帷幄之昌言聯名賢之逸軌且短才不齒未  
減雙鳧之數豐秩妄加必喪羣龍之績陛下經緯品物搜  
揚管庫方使道風德範遠出帝先豈令敗政妨官近自臣  
始伏願俯收人望顧惜朝班特迴寵光改命賢俊則百工

寅亮長無鼎覆之憂二階底平自有棟隆之吉無任感戴  
屏營之至謹詣朝堂奉表陳請以聞其所讓人具如別狀  
臣某誠惶誠恐頓首頓首死罪死罪謹言

爲張令讓麟臺監封國公表

臣某言臣短辭易窮愚意難達雖由衷之訴累黷於清規  
而臨下之明未照於丹懇伏奉還旨更優前命心魂交悸  
啟處失圖臣某誠惶誠恐頓首頓首死罪死罪竊惟服勤  
致用事主之名節推誠納忠爲臣之職分凡列衣冠之序  
忝升教義之筵立身揚名孰不由此況臣沐浴盛化被服

隆恩陪萬乘之旌旃列四臣之禦侮犬馬立效雖未堪申  
防代勞鷹鷂有情豈敢忘除兇弭慝論削蒲之釁逆舉觸  
瑟之祆變蓋惟恒事豈足言功陛下錄臣謏才收臣薄藝  
以某纓組舊業頗聞於義方山林遠情粗閑於道術訪其  
隱仙之訣求其詩禮之對不行而至坐辭麋鹿之羣無翼  
而飛遂接鴛鴻之侶久慙粉米之飾欲辭稻粱之惠日來  
月往猶戀於軒墀兩施雲行亟迴於印綬今復更申殊獎  
追敘微庸以臣子之恒情辱公卿之顯位等威齊乎四履  
名器光於五臺綍禮崇徽頓榮於非據深憂巨惕更切於

如臨夫不失賞刑先王所以撫中外大明黜陟前典所以  
止邦家中麋豹之侯僅堪封爵乏羔羊之節無階流品乃  
賢哲之所慎豈庸微之敢安是用仰辭渥恩俯誓肌骨寧  
甘於犯違朝憲不可以虧損帝難固守不移之愚庶全難  
奪之志伏冀南離迴耀微察於傾心北斗垂芒稍矜於走  
魄特停過謬曲賜優容使官謗不誼工歌有序則無私之  
覆彌大於九元至公之途永隆於萬國無任忝竊慙懼屏  
營之至謹重詣朝堂奉表固請以聞

爲第二舅讓江州刺史表

臣某言伏奉恩制以臣爲江州刺史寵命載臨憂惕若厲  
臣某誠惶誠恐頓首頓首死罪死罪臣行踈道缺學淺藝  
空百里絃歌尠蒲密之化六條贊貳乏海沂之績幸屬乾  
坤改旦堯舜爲君下邑多淳朴之氓太平無峻切之政遂  
得逾安高秩未抵直繩尚且叨價藩庭竊譽人口挂二星  
之光彩達九臯於霄漢畫餅虛名孰云可錄素餐厚責猶  
懼未弭不謂聖恩旁暢天造曲成錫大官之印綬剖專城  
之符竹飲冰懷炭內慙外悚況夏首西浮水陸交湊荆門  
東會舳艫相接是謂九江之府實殷三楚之郊旋顧庸虛

本慙幹理將何以階浮獸之政術奉錫龜之職貢負乘之  
累豈但於身災敗駕之憂慮虧於國重臣雖貪冒苟且進  
趨至於上負帝難下速官誘猶知恐懼不敢寢默伏願迴  
光三舍收霈九天徵漢濱之翹楚罷燕宮之緹襲則共理  
之寄無蹇於外臺得賢之什復聞於中宸無任悚慙之至  
謹詣朝堂奉表以聞謹言

爲武嗣宗讓陝州刺史表

臣某言臣謬延殊獎改牧大藩由中之訴已薦於宸扆恤  
下之鑒未迴於霄極祇奉還命啟處失圖臣某誠惶誠恐

頓首頓首死罪死罪臣地則葭莩質惟樗散實慙淮南好  
古之意有謝東平爲善之樂徒以攀光日月藉慶雲霄遂  
得升降玉除珮服金璽四科取士本異賢良五等建侯自  
緣恩澤常懼貽累宗宰取笑衣冠上缺麟趾之風下招鶉  
翼之刺不謂聖慈愈厚天造彌隆收其十舍之才委以六  
條之任雖臻榮益觀竊抃於如絲而謬職妨賢顧慙於匪  
服況神臯名岳天府上腴是殷帝畿實始王化東則二南  
作頌有周召之餘風西則三輔式歌望趙張之遺跡顧循  
庸昧本慙政理將何以肅應殊典崇藩屏之位繼踵前良



致京師之福不能者止竊銘於夙心非據必危敢忘於大  
誠伏願暫紆聖鑒俯收愚款永懷至公之道特寢曲私之  
澤則符竹有寄長無尸素之譏禎薪得才不失朝廷之序  
無任慙懼之至謹重詣朝堂奉表陳請以聞

爲竇孝謀讓潤州刺史表

臣某言伏奉恩制以臣爲潤州刺史祇奉寵榮俯仰慙惕  
臣某誠惶誠恐頓首頓首死罪死罪臣尺澤輕生斗筲淺  
品行非三德藝乏四科屬雲雨曲成山川廣納遂得差肩  
冕笏筮羽鴛鷺自兼司天地副象河海空陪九卿之末詎

達三禮之源柏梁賦詩徒述鍾磬槐市講藝更慙几杖當  
曰妨賢獲罪豈以稱職爲功而皇矣高臨霈然降澤乃爲  
棘寺還剖竹符入奉千乘之尊出當六條之寄叨恩竊幸  
自初泊末夫以下邑樹風是惟政本外臺驅傳實總人極  
薛宣以理劇有才滿歲加授龔遂以撥繁無效數月召還  
歷選前猷實資共理安可使赤紱虛忝素餐高詠伏願敦  
名器之實絕過謬之私更簡良才言刈其楚則山谷耆老  
方懷樹李之觀江湖吏人不起伐檀之刺無任悚懼之至  
謹詣朝堂奉表以聞臣所讓人具如別狀臣某誠惶誠恐

頓首頓首死罪死罪謹言

為李景謨讓天官尚書表

臣景謨言伏奉恩制以臣為天官尚書寵命載臨震悸交

集鞠躬自覲屏營無措臣景謨誠惶誠恐頓首頓首死罪

死罪臣聞俊又在官百揆所以時敘名器者假九流於是

咸曠事關隆替義難忝越臣才踈行缺學淺智空十舍無

千里之資一經乏三冬之敏徒以遭逢昌運因藉時來幸

雨露之曲成遇山川之廣納遂得差肩冕笏比跡流品出

入臺省周旋階闈鏘金鳴玉坐榮枯朽擊水搏風顧慙腹

背自忝司衡鏡亟易星灰雖智力已窮而清通未效朱紫  
多紊涇渭莫辨宜其抵罪觸網稍清官謗翻乃假寵增服  
更垂天獎是用荷恩內訟以榮爲憂且夫八座位隆五曹  
望重典南宮之喉舌象北斗之樞機式資藻鑑奚綜賓實  
自非孝先亮直彥輔公忠山濤之簡靜篤素顧譚之心精  
體密何以對揚天哲厭塞人望顧斯政本實總國彝豈臣  
庸愚所堪尸忝伏願迴光寢照返汗收恩察臣由衷之請  
矜臣陳力之議則朝端允穆天下至公四始輟在梁之譏  
六爻無負乘之累矣無任慙懼之至謹詣朝堂奉表以

其所讓人具如別狀臣景謀誠惶誠恐頓首頓首死罪死罪謹言

讓地官尚書表

臣某言伏奉制旨以臣爲地官尚書無涯之恩忽降霄極非據之惕坐驚魂宇臣某誠惶誠恐頓首頓首死罪死罪臣少無竒志長乏異能短步非疾於驛騶翺飛自同於燕雀逢聖神之再造屬天地之兼容鄭璞齊竽竊混聲價秦冠漢綬叨踐名級步鴛池之清切陟鸞渚之便蕃出入五臺周旋三閣行膺負璽之任遂服專車之寵萬機損益蔽

於庸陋之心百揆謨猷滯於膏肓之疾爰發皇揆特留宸  
眷假優閑之秩雖入杏壇參翊亮之謀尚和梅鼎徒延舟  
楫之舉竟微股肱之效挈瓶之智患在於空虛瞰室之災  
懼深於盈滿方陳骸骨之情遽荷雲霄之命負乘之責前  
謗未除忝越之譏後恩仍及還振蜉蝣之羽欲參龍鳳之  
行赤紱妨賢物知不可素食得位臣亦胡顏況八座樞機  
五曹要劇上儀七星之象旁理萬邦之教自非元凱之明  
允忠肅陳韓之敦樸淳深將何以釐正版圖擾安邦國臣  
之淺狹誠則貪叨朝有典章敢叨疑非望伏乞迴乾坤之

曲澤收雨露之殊私廣訪訐謨詳求棫樸更引食場之彥  
俾臨均土之司則受任得才無愆振鷺之美官方有序不  
失貫魚之次無任慙悚之至謹詣朝堂奉表陳請以聞臣  
所讓人別狀封進臣某誠惶誠恐頓首頓首謹言

爲歐陽通讓夏官尚書表

臣通言伏奉恩制以臣爲夏官尚書非常之恩忽萃庸朽  
顧匪服而增覲奉如絲而自失臣通中謝臣聞思皇多士  
必求於俊又惟帝念功不寄於庸保臣識量凡淺志業空  
廢乏刀筆之吏能無俎豆之經術徒以積勞爲忝久宦成

資承日月之末光霑雨露之宏貸丈二之組每慙於假竊  
尺一之制更獎於庸微俛仰慙惶屏營反側夫以天臺峻  
密帝猷殷曠端揆隆於八座樞衡總於萬機非夫賢才孰  
能綜理況周官司馬有甲兵之職漢服珥貂兼喉舌之任  
歷觀前載此選尤難安可以樗櫟散才瓶筭小器比德陳  
劍差蹤鄭履豈無慙於謬寵實有懼於妨官今聖歷惟新  
王化資始天工其代帝難所急伏願特寢過恩旁求實用  
塞多幸之路開至公之道則巨鱗縱壑朝有得賢之頌惟  
鵜在梁臣無濫官之責無任慙懼之至謹詣朝闕奉表陳



請以聞無為於人不可與對之至請言陳堂奉表以

尚書之身為楊執柔讓夏官尚書表亦容自則於冬士國

臣執柔言伏奉恩制以臣為夏官尚書光寵載臨震悸交  
集臣某誠惶誠恐頓首頓首死罪死罪臣學無所成志不  
及遠徒以憑託霄漢接南陽之近親感會風雲附西京之  
外戚遂得叨恩幸服冕乘軒將燕雀而同化共鸞鳳而  
並翼自升榮軒闈接武卿士徒參河海之象竟泛涓塵之  
效竊位妨賢自甘屏黜循涯揣分敢希超獎而聖造不貲  
天波累洽仍降非常之澤更申踰等之命豈非連芳八座

上比七星固亦分職五曹專司九法昔虞登百揆命喉舌  
之官晉簡庶僚崇元凱之秩自時厥後此選尤難自非宿  
望通才高賢舊德何以別邦國之大典膺腹心之重寄臣  
尸忝無成實彰於既往朽劣不逮難冀於將來雖輸報有  
心而勉勵無術寧敢自安時謗屢玷國猷陛下綜理機衡  
搜擇才俊而至公之道未廣於翹薪則哲之明近謬於庸  
菲恐人物解體衣冠失望伏乞鑿迴冲鑒俯絕過恩更宏  
尚德之舉不失能官之授則濟濟庶寮自有悅於多士區  
區庸鄙儻無譏於候人不任慙懼之至謹詣朝堂奉表以

聞謹言封禪對景營之聖鑒請陳堂奉表以聞臣等  
臣通言臣受恩怖懼已薦款誠而還旨綢繆未垂矜亮俯  
仰跼蹐心魂震蕩臣通誠惶誠恐頓首頓首死罪死罪臣  
學藝雙缺心迹兩蕪顧常接言友芻而信未盈缶陳力官  
守而智罕挈瓶徒以沐道康衢滄和休厯四方無事逢聖  
后之垂衣百度已貞得庸夫之高枕幸承寬大遂安忝竊  
本將榮利求達不以廉隅自修厚祿尊官雅是所溺陳辭  
抗疏豈敢爲高誠以理苟未安義則不可何者器有劑限

物有局量當其才則事或能濟踰其分則力所不堪是以  
枯木朽株不荷棟梁之任謏聞曲學不爲廊廟之資臣妨  
賢自久竊位非今然自承乏具寮叨榮散職雖云尸忝未  
甚隳廢至於典司邦禮出納王言徒飭躬而自強終絕臚  
而無力汝作霖雨旣非庸妄所堪臣爲股肱必致陰陽之  
失虧名損實匪顧身疵蠹政傷風將辱朝鑒誠爲貪冒豈  
敢自安伏願迴日月之明收雲霄之澤察臣由衷之請矜  
臣知止之分則周廟之器無懼於盈滿曹人之衣或免於  
譏刺無任慙懼屏營之至謹詣朝堂奉表以聞臣通誠惶

誠恐頓首頓首死罪死罪未種人割紫蓋翫鼎起臉臥就

罪臣本爲武重規讓司禮卿表命辭執來第味愈戰栗四

臣重規言伏奉今月十五日制書加臣中大夫兼司禮卿  
寵命光臨心靈隕越臣重規中謝臣聞量能而官往聖垂  
範無德而祿昔賢有誡陛下施物之平不私毫髮知人之  
鑒獨謬庸虛但禮秩之職歷選所難苟非得賢於何求化  
西京置一十二列首貫金吾東漢有三十九人多遷玉鉉  
妙擇時望將以洽神祇博採列侯所謂重宗廟桓榮之經  
學始展今恩孫通之禮儀方膺此命在臣無取遠謝古人

將何以載元冕之七旒驅素車之十乘臣之慊慊非欲自  
保其身臣之悽悽深慮上塵於國伏乞聖恩容納皇澤霑  
濡深惟得久傍授能者則天官無曠庶績其凝謹封所讓  
人狀如前不任慙懼屏營之至

為崔神基讓司賓卿表

臣神基言伏奉恩制以臣為司賓卿芝渙曲臨獎飾踰分  
蓬心迴蕩冰炭交集臣神基誠惶誠恐頓首頓首死罪死  
罪臣才實凡庸志無遠大徒以命偶時來滄和飲澤累叨  
恩遇浸成榮顯遂得出擁朱軒入陪紫蓋被服珪組周旋

階闈自謬司六尚承乏九賓星瑄驟移塵露無紀每懷忌  
滿之誠實負曠官之責寧可以更奉殊徽重叨非據當象  
河之顯列處惟月之崇班陛下刻象珮金焚山榜道維駒  
在詠異人並出無容使芳蕙爲菑疑康瓠成寶伏乞天哲  
改擇人望則尚德之舉無累於翹薪匪服之譏不塵於列  
棘無任慙悚之至謹詣朝堂奉表以聞難矣故言此數  
登書爲宗楚客讓營繕大監第三表衡百故不賺封承

臣某言臣叨承睿澤冒陳愚懇而九重再達三舍不迴鞠  
躬慙惶莫知啟處臣誠惶誠恐頓首頓首死罪死罪臣自

惟寡薄何階榮遇徒以山林舊籍有感聖慈葭莩末戚特  
延宸獎遂得升朝列位服冕乘軒平視公卿奄同七貴坐  
登霄漢非因六翮自兼司喉舌副掌樞衡百姓不親徒承  
在寬之訓萬機都曠終替責成之舉期獲戾於妨官敢邀  
榮於賜秩而甘露時雨不遺於溥汎尊官厚祿更集於庸  
虛仍令入總巨卿出毗藩牧顧匪材於樗櫟空媿梓人方  
假職於檐帷多慚竹使夫以渚宮作鎮旁兼水陸營室致  
功上儀星象自非馬延年之勤苦羊叔子之恩惠何以撫  
茲千里按彼百工陛下義不斷恩遂忘濯龍之誠微臣寵



深增懼敢冒濡鵜之譏況今天地開元聖神改物四方拭目而觀化之流褰裳而願仕而則哲之鑒未獎於翹薪至公之心近謬於凡菲將恐開親昵之多幸失衣冠之雅望小人淺見偶識自量匹夫雖微敢守難奪伏乞俯停過謬更擇良能則出門同人更釋于宗之吝側席思彥不乏登壇之寶無任慙懼之至謹重詣朝堂奉表以聞謹言

爲王遺恕讓殿中少監表

臣遺恕言伏奉恩制以臣爲殿中少監奉命荒越不知啟處臣某中謝臣行忤神祇身積釁咎偷延苦泉自甘隕越

金定全唐文 卷三十四 二  
陛下忘其阨陋牽以縶維仰號上昊俯踏下土精誠無感  
三舍不迴志節莫修九泉未即遂復肅膺紫紱權就墨纒  
俛首官寺覲顏朝序自攝職天臺慙簡要之目徒秩京輦  
乏仁明之政銓管無滯多謝昔賢枹鼓不鳴實愧前烈空  
尸厚祿坐積時謗不謂天光下濟聖慈曲覽重延殊獎更  
超顯位司六尚之嚴凝望九重之清切懷恩揆拙旣懼且  
慚但臣下棄情禮上虧荅效孝不足稱忠無可紀永惟家  
國實負君親將何以安其尸忝暴之視聽伏乞暫迴冲戀  
少察懇誠不虧聖朝之鑒無重愚臣之罪則涵育有方官

序無替無任哀悚之至謹詣朝堂奉表以聞  
為第十舅讓殿中監兼仗內閑廐表  
臣某言伏奉恩制以臣為殿中監兼檢校仗內諸閑廐逾  
涯之恩忽降霄極非據之惕坐驚魂宇臣某誠惶誠恐頓  
首頓首死罪死罪臣本乏才藝素無操植徒因緒業獲齒  
簪裾屬兩曜重光三靈再造登山捧日始會於風雲涉海  
窺天遂攀於星漢位非德進榮以恩昇出捧鸞鑣玉輿  
之式道入陪鳳宸預金門之通籍扈清切之嚴衛接綢繆  
之宴私邱山之恩徒謝成貸絲髮之効竟知無補加以兼

烏竊幸假鳳連棲兄弟分侍於闈闈甥舅齊跡於樞祕光  
榮被於九族寵遇傾於百寮是以常識滿盈亟慚尸素叔  
寶之遇武子雖願輸忠正禮之對公山惟憂曠職常思高  
明之瞰室無懼平路之傾輶豈謂天道不貲聖慈逾厚仍  
降非常之澤重紆加等之命妨賢受任多慚於鴛鷺之羣  
匪服叨榮實愧於蜉蝣之羽竊惟先王慎擇不進於凡庸  
明主虛求務延於才俊伏乞傍羅杞梓更詢棫樸必取九  
能秀傑方爲御府之臣無使五技輕姿謬處七閑之任自  
然六尚增價七駟無忝納於百揆終無廢事之譏賓於四

門必有得人之頌無任慙懼屏營之至謹詣朝堂奉表陳謝以聞謹言

讓麟臺少監表

臣嶠言伏奉制書以臣爲麟臺少監依舊兼修國史仍知鳳閣舍人制閣事仰戴私恩退揆愚陋手足知舞心魂載惕臣嶠誠惶誠恐頓首頓首死罪死罪臣一經莫守五技不成宮牆易窺俎豆無術陽和布德枯朽同榮雷霆發音閉螿俱起用叨時幸遂歷清階含香握蘭惟塵於兩鳧之署切問近對匪服於雙鸞之沼西垣載筆五字非工東觀

金定全居元 卷三十四  
屬詞兩班難嗣空抱支離之疾坐招尸素之譏惟此挈瓶  
有同畫餅豈足以比肩良史參領祕文猶陪二子之行尚  
忝四郎之末網羅帝籍旣佇英才出納王言寧容妄處陛  
下搜賢擇善責實循名程才畢入於準繩適用不差於輪  
桷伏願特迴鑒揆俯察愚蒙深惟帝難妙簡人才則尚德  
之舉寧謬於鴛池妨賢之談不起於麟閣無任忝竊慚悚  
之至謹詣朝堂奉表陳請以聞臣所讓人別狀封進臣嶠  
誠惶誠恐頓首頓首死罪死罪謹言

讓成均祭酒表

臣嶠言伏奉恩制。臣爲成均祭酒對揚鴻休揣摩福量  
獎飾踰分周惶增惕臣誠惶誠恐頓首頓首死罪死罪臣  
才不應務命實偶時非親非賢奉帷幄之侍無藝無術備  
鹽梅之臣排金門而上玉堂步鴛閣而遊鸞沼抱支離之  
沈涸曠密勿之繁機六翮不任但慚於腹背四支已頓空  
請於骸體分辭榮於瑣闥仍藉寵於環林顧非席上之珍  
敢辱淹中之賞況東序蟻學稱爲教化之宮西膠虎門實  
應文章之宿論姬孔之制度談夏商之損益方期遺典墜  
業有可發明豈伊曲學謏聞所堪尸忝伏望俯停庸瘝改

命者儒則授几肆筵還知入廟之禮褒衣博帶不濡在梁  
之翼無任忝竊慚惶之至謹詣朝堂奉表陳讓以聞臣所  
讓人具如別狀臣嶠誠惶誠恐頓首頓首死罪死罪謹言  
自內史再讓成均祭酒表

臣嶠言伏奉今月二十四日制書除臣成均祭酒同鳳閣  
鸞臺三品餘並如故列星皦日曲垂鑒揆膏雨油雲傍灑  
渥澤承命如失負恩不勝臣嶠中謝臣本諸生階緣常調  
幼趨詩禮纔學修身長習文章罕能經國徒以淹年曠日  
積勤累勞無翼而偶摩霄不材而參構厦往逢人乏濫荷



天聽預聞政事莫近主益尋而犬馬私疾頗至虛羸蝮蟻  
殘生俯蒙含育矜其不逮備以閑司臣獲從容稍似強健  
復屬皇慈不已聖獎彌勤始接貂蟬更追龍鳳機務填委  
昏情戰兢風勞霧氣曉迫宵煎因此疲羸慮成廢曠所以  
每求清閑輒事陳乞竊望優游散輩沐浴淳源豈晤大造  
弗遺殊榮累及玷代天之列躡教胄之行且祭酒之榮有  
道之選往年已知不可今者何宜重遊伏乞特寢嚴汗改  
命長才非敢欲逃身責深恐有紊國經由衷精誠惟聖矜  
納無任懇迫慙荷之至謹詣朝堂奉表陳讓以聞其所讓

人別狀封進

為武攸暨讓官封表

臣某言臣頻布款誠庶蒙矜遂而由衷之請空竭於肝膽  
 臨下之鑒未察於庸愚集木非兢臨泉罔懼臣某誠惶誠  
 恐頓首頓首死罪死罪臣歷窺前志詳考舊聞莫不以有  
 道興邦家不才替社稷漢武帝網羅羣士惟佇俊賢周成  
 王訓迪庶官不求庸保臣行能近淺識性凡陋難化之質  
 非八音所陶不移之愚豈六藝能飾往緣戚屬叨奉恩私  
 遂得地列齊封門開魯館承敦敘於九族被徽章於五等

今光華始旦品物維新三代典章理遵於舊式二京恩澤  
宜革於權制方就散秩之輩幸沾朝請之流寧可以冒踐  
槐庭更增茅土況班彝錫瑞執揆提衡法垂象於三台視  
隆班於四瀆實司邦教是曰藩維豈臣餘喘殘生所合尸  
忝非臣荒情菲質所宜叨據陛下懸旌訪逸刻象求才朝  
有白駒之賢野無黃犢之彥方使思皇多士必明於至公  
豈令棫樸能官近廢於親昵臣自審量實所不堪葑屋之  
災豈惟於身咎折鼎之責方貽於國患伏冀回光斂靄寢  
紘收綸察臣不移之心矜臣非飾之請特停過誤改命才

良則白馬丹書不慚於異姓和羹作礪不逮於凡庸無任  
慚懼屏營之至謹重詣朝堂奉表陳請以聞回光效靈

爲武攸暨讓兼知司禮寺事表

臣攸暨言伏奉恩制命臣兼知司禮寺事臣本無操履素  
乏藝能憑藉葭莩遂叨冕笏畫龍刻鵠非有天才簪犀紐  
龜但因地勢鑿空虛微眇之質驗庸闇不逮之姿素簡神  
衷豈勞銓敘幸得攀光日月藉寵侯王祿比萬鍾爵窮五  
等備梁園之車服司周室之典經朝夕起居出入陪奉在  
生多幸於臣已足豈可重叨非據更竊隆班上虧國章下

速身謗昔漢疇稷嗣將冠九響虞昇伯夷實掌三禮奉蒸  
嘗祈祀之典有匏土笙鏞之節匪徒移風易俗兼且尊天  
事神豈於凡庸所可參議況此司禮分職見有二卿並在  
官聯事且無缺更參駑蹇之足徒亂鴛鴻之序伏乞聖慈  
迴鑒天造曲成矜其慊切之心念其尸曠之責怡然俯察  
霈乎垂許則至公之道實宏於聖朝多幸之災不累於凡  
識無任慚懼屏營之至謹詣朝堂奉表以聞

為無引博對氣營之至歸詣陳堂奉求以開

觀乎垂信慎至公之節實亦於聖際多幸之災不累於其

國暨天豈曲為將其射射之心念其只觀之責計於前察

官細事且無趁更參蕭襲之且卦備驚然之氣於子聖茲

建麻豈然以龍所不參精必此同歸合鄰且前二賦並在

嘗亦味之與育陸土聖驗之微雖卦絲風長谷兼且曾夫

既良精普對觀默隔探探天響莫莫的夷寶堂三豎奉茲

欽定全唐文卷二百四十五目錄

李嶠四

為武嗣宗讓千牛將軍表

為武攸宜讓揚州都督府長史表

為道士馮道力讓官表

代公主讓起新宅表

為公主辭家人畜產官給料表

為裴駙馬讓官與父表

為朝集使絳州刺史孔禎等進大酺詩表

爲鳳閣侍郎王方慶進書法表

爲鳳閣侍郎王方慶進南齊臨軒圖表

爲杭州刺史崔元將獻綠毛龜表

爲司農卿宗晉卿進赤背山鵲表

爲鳳閣李侍郎進瑞牛蒙賜馬表

爲鳳閣侍郎李元素進冬榘表

爲絳州刺史孔禎等上獻食表

爲納言姚璿等上禮食表

爲武攸暨上禮食表



為武攸寧辭奪禮表

百官請不從靈駕表

請車駕還洛表

為王及善請致仕表

為皇太子請加相王封邑表

為太平公主請住山陵轉一切經表

為魏國北寺西寺請迎寺額表

為獨孤氏請陪昭陵合葬母表

為某官等請預陪告廟獻捷表

為東宮中書監許敬宗等啟謝表

為西宮中書監許敬宗等啟謝表

為賤國北宮西宮中書監許敬宗等啟謝表

為太平公主請封山刻碑文表

為皇太子請收歸王姓馬表

為王國善請封表

為東宮中書監許敬宗等啟謝表

為東宮中書監許敬宗等啟謝表

為東宮中書監許敬宗等啟謝表

欽定全唐文卷二百四十五

李嶠

四

爲武嗣宗讓千牛將軍表

臣嗣宗言臣學藝無稱才德兼闕幸延慈蔭遂歷通班花  
萼同榮依上林而發彩鶴鴿交賀仰大廈而相歡恩比耶  
山效微塵露叨榮席寵荷愧承羞臣嗣宗中謝臣嗣宗夙  
奉皇明已忝銜珠之秩兄懿宗近承天澤又當執金之位  
弟兄齊列伯仲分曹咸典禁戎並參宸衛匪惟官崇祿厚  
思滿盈而增憂固亦秉勢操權顧章程而自惕況臣素抱

愚拙更纏疴恙牽羸引憊竊位妨賢內懷尸素之慙外負  
朝廷之謗豈可以多塵聖化久累能官伏乞收迹丹墀歸  
骸素里庇堯雲之光彩浴舜海之波瀾柳蔚桃濃聽南鄰  
之鍾磬茅舒桂滿陪北闕之簪纓滄厚渥而忘饑樂太平  
而愈疾則涵養之德瞻大造而斯宏覩冒之譏在微臣而  
知免輒陳固陋輕黷威嚴授紙彈毫驚魂悚魄臣嗣宗誠  
惶誠恐頓首頓首死罪死罪謹言

李曾為武攸宜讓揚州都督府長史表

臣某言伏奉恩制以臣為揚州大都督府長史光寵載臨

震悸交集臣某誠惶誠恐頓首頓首死罪死罪臣蒙蔽有  
素非陶染所移磨礪無成豈鑽仰能及斯並久塵聖鑒不  
逮更伸愚款陛下降猶子之愛忘具臣之譏乘以軒車佩  
以璽綬射榮席寵瞻歲月而徒深結課疇庸在涓埃而莫  
取何曾不外慙赤紱內負素滄是以前布腹心辭禁衛之  
重後竭誠懇歸殿省之榮豈欲娛志養高實願遺身體國  
不謂聖情重疊恩旨綢繆更錫隆章重紆顯命刷燕雀之  
毛羽求其奮飛飾駑駘之銜轡徵其滅沒雖願盡智力而  
終難勉強陛下宵衣待旦仄席思賢必欲無曠庶官克諧

金定全庫文  
共理臣智慙一割政乏四科豈足以恭副虛求宏宣美績  
況三楚舊壤一都之會永言作鎮匪易其人伏願遵尚德  
之彝躅杜推恩之妄舉以公滅私簡才授職則武皇得士  
不慙於曩歲文王能官復在於茲日無任慙悚之至謹詣  
朝堂奉表以聞臣所讓人具如別狀

爲道士馮道力讓官表

臣道力言臣叨緣幸會謬奉渥恩隨簪笏之九班列山河  
之三土王言如綍敢不欽承人好惟星願披誠款道力本  
厭囂滓夙耽閑曠潛形草澤不將臯鶴並聞浪性雲霞惟

慕海鷗相狎十步徒歡於飲啄一官匪尚於榮華幸屬聖  
期謬迴天獎承軒冕之賜列是樊籠踐繩墨之途更成維  
繫尺鷁但慙於鍾鼓鷄鷓空費於牲牢故欲瀝膽輸肝披  
誠進款倘蒙却收匪服改命如絲不以尸曠之交免其負  
乘之責則物情輿論誰不謂宜如將衆例難違微功必敘  
仍優附鳳之賞遂假濡鵜之衣則望賜以官名還其道服  
仲虞懷八座之祿未入朝廷之推列五等之封尚居山藪  
所冀資此俸秩永修齊供庶玉清垂貺增寶祚於三元金  
籙開祥固珍圖於萬劫上隆紫極之統下遂清溪之遊在

於微生實爲幸甚道力昨已陳請未蒙處分重此干祈伏  
增戰越道力誠惶誠恐頓首頓首死罪死罪謹言

代公主讓起新宅表

臣妾言伏承聖慈以妾居處褊狹欲開拓宅北更起新第  
恭聞睿旨不勝慚惕陛下骨肉之愛天至而溟深敦敘之  
風日隆而月厚乃復推心連萼結念同胞方欲廣沁水之  
庭除增常山之版築雖殊恩曲獎惠澤實浸於肌膚而妨  
公害私謗訕恐盈於道路況臣妾承靈天妹藉寵王姬與  
水亞於椒宮土田方於茅社甲第之當衢向術並列三區



別廬之帶水連山將盈萬畝深埒則可乘騏驥高樓則惟  
待鳳凰常憂瞰室之易災實懼滿堂之難守寧可更求輪  
奐別構崇深擾閭里之毗黎傾國家之府藏且鬼神所福  
常矜於缺隅賢聖垂箴必誠於豐屋孫叔辭良沃之土晏  
嬰求湫隘之居妾雖愚蒙頗聞訓典實願歸師老氏以止  
足自防仰慕周公將逸豫爲戒但希安分於容膝非敢攀  
榮於潤身且坊爲要衝地當貴里畝賃二三十貫居人四  
五百家奪其近市之門閭生其破家之怨讟雖下人之不  
語豈愚妾之能安又妾之平生每存捨施屈身濟物心所

願爲益已害人情豈能處今麥苗雖盛穀價未豐家少糧  
儲人多菜色但可勸耕耘之業未宜興土木之功伏乞俯  
察愚誠傍詢衆望體東作之尤要知西第之非急收茲霈  
澤惠被黎蒸則天下蒼生孰不欣幸無任慙款屏營之至  
謹遣某官詣朝堂奉表陳請以聞謹言

爲公主辭家人畜產官給料表

臣妾等言妾聞賢相防微杜盈門之車騎通人酌損忌滿  
堂之金玉尚子平之讀易富不如貧孔宣父之立言奢也  
寧儉永言故實此爲明鑒妾等並承靈坤載荷蔭中樞或

大妹申慈忝扶桑之瑞萼或王姬藉寵竊襪李之奇秀開  
沁水之園苑賜常山之湯沐榜懸金字分衢離巽之宮路  
夾銀河並列星辰之位通祕籍於龍廷之內枉仙輿於鳳  
樓之下殊私曲獎以日而繫年縟禮崇徽夸今而邁昔兼  
復別隆朝旨猥存家務輿臺供隸之衣食棧廐豢牢之秣  
養並迴中府俱出大農聚終歲之儲但憑絲紱供闔門之  
費不煩機杼仰祇鴻澤退省微躬生以地高徒竊雲霄之  
幸寵非德進曾微纖芥之勞何義而虛受渥恩何功而謬  
延賞賜是用每積慙悚常憂顛沛敢忘周公逸豫之誠深

念老氏止足之言乞留聖慈俯鑒愚懇使榮無過悞滿不  
至溢國邑田租之常料既已豐殷馬牛陪隸之雜供並希  
停減庶得無耗府實稍清朝謗長轂遠馭不逢於致寇之  
人高門洞開無怯於害盈之鬼不任兢悚愧懼之至謹遣  
某官詣朝堂奉表陳請以聞

為裴駙馬讓官與父表

臣某言臣聞善則歸君臣之報主功推於父子所榮親臣  
本愚賤幸承門闕擢自弱齡得尚公主耀宗榮黨何已七  
疑十年成名效能曾未之有得是以昧死旒宸陳情控

臣某中謝臣聞隱情而言不吐者事君之罪人心孝而迹未行者事親之逆子臣擢自泥滓起登上第受國之寵負親之恩情所隱而言未吐者敢奏於今日臣門閥少薄冒因遺緒父叔昆弟忝列朝班惟臣一身特拜都尉然駙馬之位因天所封寺卿之階何功受賞富過宗祖榮過棠棣無德而祿將何以堪臣父正議大夫前太子少詹事臣居士夙預周行早規陳力頃以天波溥洽許順懸車然朝命先霑已三十載累年効職復十數遷金紫末階爰從致仕桑榆尚早實願榮班臣亦何人獨多勲賞臣聞父子罪不

相及而官獨踰於父雖爵因天假不限高卑而官入私門  
自多伊愧每用責躬晨省覲面朝端臣子之情祇所不忍  
伏乞以臣在身三品并見在進讓臣父本品降賜於臣貴  
得秩祿相次承寵朝聞夕死實所甘心伏願陛下容臣恭  
讓允臣愚懇非直聖朝高孝理之風抑亦微臣盡爲子之

道宣論父妹疏 疏 奏 依 陳 班 封 曰 一 良 辭 拜 啓 揚 然 摠 思

爲朝集使絳州刺史孔禎等進大酺詩表

臣禎等言臣聞謠誦必採而風俗可觀舞咏旣陳而德音  
不泯伏惟金輪聖神皇帝陛下金口屈道璿樞正辰慶儀

號於法宮撫懷生於淨國元猷再闡紫極重光天地合德  
而同休黎氓改視而易聽萬方欣戴百寮抃舞臣等備列  
下藩豫承大慶三年入計行趨玉帛之禮五日賜酺即奏  
雲天之宴覩光靈之赫奕接恩貺之綢繆酬報何階空誓  
心而銘骨嗟嘆不足遂抽毫而授簡非效狂而貢斐實有  
感而求音同盍各於二三冀揄揚於萬一并題序引式光  
鴻造雖戴天辯日誠不窺於兩童而講德陳詩庶無慙於  
四子不量踈野輕敢薦聞繕寫畢功進止如別擊轅之陋  
輒筵響於雲門化草之微遂馳光於日谷旋顧庸鄙追增

棟汧臣禎等無任云云

爲鳳閣侍郎王方慶進書法表

臣某言奉墨勅令臣家所有書法並將進來但臣家書法屬隋季亂離並多墜失臣十代再從伯祖羲之書先有四  
十餘紙貞觀十二年太宗文武皇帝購求遺跡臣亡父先  
臣私直並將奉進一不敢留今之所存惟有一卷并臣十  
一代祖導已下書一帙十卷謹隨狀進上但臣弓冶不嗣  
堂構缺然雖奉納楹多逢壞壁亡失之外所餘無幾私珍  
緹襲方遺子孫不謂兩曜迴光九霄俯聽曲延採拾遂登



旒宸使千載遺寶重增於光價九泉深隧更奉於恩渥寵  
被私門榮霑異代懷恩慕遠感佩兼深正方慶誠惶誠恐  
頓首頓首死罪死罪謹言

爲鳳閣侍郎王方慶進南齊臨軒圖表

臣某言臣家有齊帝臨軒圖是南齊袁倩下手所畫私門  
傳寶以爲妙絕伏惟聖情兼尚睿鑒旁周稽古軼於虞聰  
幽求過於魏覽萬幾多暇百代可知或厭遊娛儻存觀省  
臣暮年多幸得奉休明竊謂珍奇無容隱默近從京宅取  
到不獲早以上聞今謹詣闕隨狀奉進輕塵旒宸伏用慙

金定全唐文 卷三十四  
惶屏營之至

爲杭州刺史崔元將獻綠毛龜表

臣某言臣聞五氣殊方元龜列於元武四靈異稟神蔡遊  
於紫泉用能藏往知來發祥祚聖大禹之永終天祿文薦  
九疇隆姬之乃命帝庭兆成三吉永言秘寶錄存謙簡伏  
惟金輪聖神皇帝陛下蘊靈沙劫屈道璿樞推正覺而御  
彝倫宏大悲而撫羣俗雲行雨施之澤下漏三泉春生夏  
長之仁曲成萬物恩洎草木惠覃飛走天澤感氣而延和  
神靈應德而三瑞伏見所部錢塘縣人聶幹於市內水中

獲毛龜一枚修尾長頭元甲綠毳名掩於楚宗狀奇於靈  
繹雖六眸在首未足尚其禎祥五色成文詎能齊其詭異  
伏叢著而自久下芳蓮而暫出美兼曠代休踰羣祉謹案  
孫氏瑞應圖曰王者德澤湛漬漁獵從時則靈龜出禮含  
文嘉曰內外之制各得其宜則山澤出靈龜陛下解網收  
罟宏天地之大德創制改物窮帝王之能事宜其膺受冥  
貺克享珍符且益有十朋表賢才之入用壽踰千祀彰聖  
歷之無疆嘉祉不召而自臻乾象無祈而潛應臣謬當重  
寄親奉洪庥靈異爰臻既駭於常觀抃舞胥屬實兼於恒

品無任慶躍之至

爲司農卿宗晉卿進赤觜山鵲表

臣晉卿言昨於宿羽亭子園內捉得赤觜山鵲一枚其鳥有三足中足有五指近人相託爪上有毛儀觀非常精彩特異雖貌在禽類而名高羽族鮮毛孕碧勁觜含丹三足呈休與黔烏而比孝五指爲瑞共白麟而同德填河未足方其美繞樹無以儷其珍故使綠衣翠襟羞言辯惠藻翰錦臆憚稱奇偉將明天子之德遂入虞人之羅自非睿感言通禎符顯應豈能殊祥畢湊異物咸臻曠千古而難逢

超百王而獨異臣謬參簪笏忝列葭莩抃躍之情實倍恒  
品無任喜慶之至謹奉表稱賀以聞其山鵲謹隨表同進  
為鳳閣李侍郎進瑞牛蒙賜馬表

臣某言臣昨輕率愚下進瑞牛一頭今蒙恩賜良馬一匹  
伏惟陛下道超萬古化穆三神故得天壤薦成幽明歸奉  
植物動類變形質而呈休羽族毛羣革音容而表貺萬為  
盈數化成於大武之元物粹文煥炳於純離之畜斯乃  
自天靈命曠代殊祥實上聖之元符在微臣而何力猥蒙  
宸獎曲被皇慈移滅沒於帝閑降權奇於御阜漢宮流赭

遂出於玉臺軒右飛黃俯迴於馳道豈直衣冠同羨固亦  
妻子相驚臣亦何人冒斯殊寵惟當附茲驥尾希自勵於  
疲駑託此龍媒庶長承於驅策無任悚戴之至謹奉表陳  
謝以聞

爲鳳閣侍郎李元素進冬樵表

臣某言聞京兆萬年縣大寧坊宅內有桑樹一株暮秋生  
子初冬樵熟今謹取得專輒進奉伏惟陛下惠覃區宇仁  
洎草木故得神蠶之樹發秀於寒露之辰帝女之林結實  
於繁霜之下出於萬年之界彰一人萬歲之符生自大寧

之坊表羣生大安之慶鳴鴉已革見夷貊之懷音絲璽行  
豐知府藏之逾實殊禎荐委絕貺仍臻凡在含生孰不欣  
慶無任抃躍之至謹奉表陳賀以聞

爲絳州刺史孔禎等上獻食表

臣禎等言臣聞式宴爲歡易著需雲之象晞陽展敬詩有  
湛露之歌伏惟金輪聖神皇帝陛下功掩大千化高明一  
憑五乘而馭羣品秉六度而宏萬機俯順人心仰膺佛記  
尊名大號與日月而齊光凱澤歡醑共雷雨而俱作舞詠  
溢於三界聲名殷乎四天臣等備守外藩幸欣入計瞻衢

路而躑躅望闕庭而悚躍歡情未展空思側弁之娛聖造  
不貲仍賜合醕禮三元告始萬品惟新陽進而君道載  
昌景延而聖壽彌固具寮稱賀率土同欣願申在藻之心  
輒效獻芹之志謹上禮食五十輦具如別狀和殊九沸美  
異八珍有慙殷鼎之滋豈益堯廚之膳輕薦蔬菲迨增悚  
怍臣禎等誠惶誠恐

為納言姚璿等上禮食表

臣某等言伏以壇場既畢文物惟新寰區被雷雨之  
樂動雲天之曲元髻黃髮式舞遍於康衢車馬



窮於勝境瞻鳳闈而列鼎抗龜浦而開筵風光滿佳麗之  
城煙霧上神仙之閣傾壘倒竿盡百辟之歡娛伏檻憑軒  
延九霄之眺矚五日開十旬之賞千齡逢萬歲之期固以  
慶軼朝門抃深天造無任喜躍之至謹上禮食若干輦不  
恥獻芹之陋方期在藻之歡旋顧單菲追增悚忭

爲武攸暨上禮食表

臣某言伏惟陛下至德動天深仁被物光輝格乎上下神  
化行乎中外故能使明祇叶贊景貺駢臻承靈命於九元  
錫禎圖於萬祀高秋在律重九御長陳法駕而展皇儀升

紫壇而奠蒼璧欽告類之典盡祇敬之容咸秩羣神允釐  
百福然後玉鑿回軫金鉞戒塗發雷雨之恩私展雲天之  
宴樂百寮簪笏承愷悌而沐沈潛四海氓黎欣復除而荷  
優貸瑤圖載永鼎命維新抃舞同於十方歡娛邁於千古  
臣謬當維翰忝屬葭莩敢申慶躍之情願奉宴私之澤謹  
上禮食若干輦野人何識徒致誠於獻芹天獎曲成倘俯  
歡於在藻無任區區之至謹昧死奉表以聞臣誠歡誠喜  
頓首頓首謹言

爲武攸寧辭奪禮表

臣攸寧言伏奉恩制起臣爲春官尚書曲降芝泥俯收草  
土承命哀震扣心號絕臣攸寧誠惶誠恐頓首頓首死罪  
死罪誠孝莫紀咎殃所鍾過隙永辭倚閭奚望不自灰滅  
偷視光陰尚何心靈得齒人類陛下愛結敦敘慈深宴逸  
免之苦塊錫以衣簪葭莩之恩飲澤誠厚荼蓼之戚胡顏  
以寬況天地同節宗伯是經尊卑共儀達喪有典使臣外  
掌邦禮內虧庭訓何以奉宣名教克弭訕謗臣之愚蒙夙  
夜揆鑒平居疇日廢職曠官況識亂匪莪情荒植柏寧可  
儀刑八座損益萬機虛玷元猷上穢清鑒伏冀哀其窮懇

惠以至德用伸犬馬之願獲遂烏鳥之情則地義所宏彌  
文於永錫人倫所詠實光於孝理無任荒迫之至謹奉表  
陳請以聞臣攸寧誠惶誠恐頓首頓首

百官請不從靈駕表

臣嶠等言伏以靈駕遵途聖恩攀從國計非便羣臣不安  
冒昧上祈未蒙哀允跪對還旨載深惶惕臣嶠等中謝臣  
聞古者天子上法天心不極私情違衆欲以順人理國爲  
孝以克己制心爲禮是故凡聖異禮公私殊制私心獨展  
凡人之孝也萬姓咸若聖人之孝也陛下行堯禹之事以

萬姓爲心柰何守曾閔之節懷狃展之願臣等囁囁竊所  
未曉且永淳已後關輔流散近邇旋定人猶未足今山陵  
起築役徒惣萃彌春涉夏爲費宏多若陛下此行羣司畢  
從於人取給臣實難之水旱小憊農慮非淺東都則水漕  
淮海易資鹽穀之蓄陸走幽并近壓戎夷之便朝命新復  
人望安在宜應靜鎮未可移動陛下若俯順羣願留撫都  
人則其安如此若不勝私情攀奉靈駕則其慮如彼況扈  
從兵馬旣不豫集行宮廩蓄又未先備發期俯邇支計闕  
然倉卒敦迫必不敢辦若待陵寢安厝霜露終感三農歲

稔萬乘時巡奉郊廟以展虔瞻日月其何遠今固將抒私  
戀棄羣言忘人力蔑國用此實非陛下安集新業之故亦  
非先后憐憫遺人之意且朝廷故事典章猶在獻陵追遠  
太宗不至於三元昭陵上遷高宗不至於九峻豈先帝私  
懷不堪故事羣臣公議之所奪也伏願仰遵舊訓顧定新  
基屈至情而順羣心抑小節而成大孝使軍國長算函洛  
皆安邦甸窮人賦斂少減萬姓翹望實深至願百寮結誠  
期於死請無任悲迫之至謹詣朝堂奉表固請以聞

請車駕還洛表

臣嶠等言臣聞天下皆春而燕谷有祈一作暄之律日中

並照而彭澤有隨陽之禽豈非承光飲和仰德延慶深於

戀者其往若不親渴於求者其來如不足以圭表旣宅關

河馳怨思之誠鑿和未巡樊鄧切謳歌之慕帝車北指宸

駕西臨槐檀聿歷於四時綺枝猶淹乎八水耆老延頸簪

弁企望戴天有分徒嗟京兆之遙捧日無階竊恨長安之

遠臣嶠等中謝伏以載祀七百卜年非豐鎬之地乘時九

五啟聖由瀍洛之鄉所以受龍圖龜書所以朝雨師河伯

叶祥符於讖籙採謀議於人鬼萬靈幽贊百物阜昌是曰

天地之心實與帝王之祚方使四夷爲守西賓屈無外之  
談六合爲家東土壯居中之業況復圓丘方澤神祇之兆  
域以安復廟重檐昭穆之尊卑旣敘定社而立稷建邦而  
設都具萬年長王之郊誠億載不遷之宇寧可久曠中壤  
即安偏據詠山河於漢舊訪宮室於秦餘五載時巡曾無  
告至之禮四方迷職仍以不均之患臣等庸愚竊所未達  
今三秋告稔萬寶已成陰陽所和稼穡徧茂却連澤潞汾  
曲敘廟疑荆揚海隅萬庾同殷千箱並詠禾萌九穗未曰  
餘祥穀石五錢詎名豐穰加以舟車並湊水陸交衝物產



尤多觀聽胥悅衆庶有來蘇之冀神靈翹望幸之心伏願

陛下俯察氓謠仰祇天意因銅省疑之稔歲命王鑿之仙

軫涓時擇日屯萬騎而出函秦省俗世風撫四人而還鞏

洛逍遙乎九阿之阻容與乎八表之路迴輿駐蹕觀十月

之圃場闢纊凝旒問百年之疾苦然後歸格造乎九廟明

堂衆星拱列長居辰極之尊萬寓駿驅載詠朝宗之府光

輝將日月齊殷德澤與江河比潤致乾坤之景福盡億兆

之歡心凡在人祇孰不欣幸臣等限以所守不獲親詣闕

庭無任區區之誠謹附洛州奏事使朝議郎行洛州司兵

參軍盧正言奉表陳請以聞

爲王及善請致仕表

臣及善言臣愚故頃薦心隨言盡而睿旨彌隆禮以恩酬  
固辭則成命有兔進則私情不堪惟此憂惶坐交冰炭  
臣及善中上志均鴛馬知眷戀於軒櫺生比塊才懼零  
落於風霜思十駕之驅馳迫四時之代序辭稻梁之惠寧  
是宿心乞桑榆之年但緣量力昔者主父未常健羨於  
陳鼎孔某遭難每殷勤於執鞭或排擯於中朝乍栖遲於  
列國況臣叨恩竊幸非待營求尸祿効官不假才藝獲當

年之榮貴無曩世之艱虞豈應輕物傲時薄優游之寵官  
陳辭抗疏循耿介之名節直以頽齡向盡衰疹踰加二首  
六身甲子催其歲月百骸九竅寒溫煎其骨髓無仙童之  
却老有災豎之侵年志力昏沈精神耗竭心已迷於方寸  
目久暗於元黃鳩杖扶危且猶不逮鵝池養望孰云非罪  
竊畏衆多之口顧思庸短之累昔之少壯猶不如人今也  
耄期詎堪經國是用披肝躋地拜手祈天方登月制之辰  
庶免夜行之咎言非飾請理實誠陳陛下厚眷殊私尚留  
陪於簪履老臣餘喘微息終絕望於軒墀空荷不貲之恩

實無自強之地伏望俯矜疲劣微賜含容免其折鼎之憂  
假以懸車之樂倘殘骸未擯尚齒不遺猶望俎豆几筵接  
虞庠之庶老歲時朔望陪周行之末班更得拜奉宮闈瞻  
覩日月則生涯兼足死將不朽伏蝸廬而獻款仰龍闕而  
翹魂心往形留授簡增欵無住拙疾衰老戀慕屏營之誠  
謹遣息清廟臺主簿溫重詣朝堂奉表陳情以聞

爲皇太子請加相王封邑表

臣某言臣以相王旦發彩璿華承流寶派雖班彝錫瑞旣  
同於伯叔之封而食菜苴茅不逮於子男之國敢緣敦敘

之義輒獻由衷之誠而葵藿傾心徒希皇矣之鑒雲霄絕望不流霈然之澤愴恍如失徘徊增佇臣某誠惶誠

首頓首死罪死罪臣聞命以車服錫之土田實將共安邦家永固宗祏炎漢之開藩樹屏廛開七十城隆姬之書社建侯封疆四百里故知業隆考基大本盛者末豐涯涘濶而潤澤深枝條繁而庇蔭遠伏惟皇帝陛下握河開歷截海凝圖化繇於商夏之朝地廣於唐虞之域裁舊典之損益補前王之闕漏萬官咸事百度以貞雖穆穆之風具宣於政理而親親之道或廢於挹謙至今骨肉禮薄藩維

曠曲阜之特高才藝仍減附庸平臺之深而孝慈僅留湯  
沐徽章空列於五等祿秩不加於九命曦舒兼曜之德久  
被於寰中雲雨曲成之恩翻遺於膝上異強幹弱枝之道  
違先親後時之意非所以上宗王室下時帝姻況天垂後  
星承髮膚者蓋甚卦膺習坎奉晨昏者非衆荷圓穹之寶  
覆藉厚載之三腴之令寵數不加等威無辨便是卑萬乘  
之尊蔭闕四海之遐瞻蠻貊荒陬猶知不可衣纓士庶孰  
謂其宜伏念天無深惟國體情實存於天道理不涉於私  
求伏願曲降聖慈俯收愚懇愜久遠之大義抑沖撓之小

節疇咨故實申命有司劃以山川優其井賦剖符開國依  
希魯衛之親盤石居宗髣髴應韓之躅明鴉鳩均養之惠  
慰鵲鳩同氣之心使麟趾式安犬牙愈固則洪恩所被允  
及於萬方靈貺所覃豈惟於九族無任悃款屏營之至謹  
遣某官某奉表陳請以聞

爲太平公主請住山陵轉一切經表

妾某言妾生涯有緣仰繫白一極孝行無感上傾乾  
罔極扣地不追集蓼崩心泣血自攢開東洛縈下西  
秦氣朔當移光靈浸遠忽旦及昏之易隔悲節敘之難留舉

金定全唐文  
卷四  
日摧傷觸

殞裂

和山已耐灤水還封二曜停臨九入

絕仰慟遺弓於此日思稅駕其何年追想平居永惟曩載  
粵自襁褓迄於成立鍾慈結愛殆欲蒙摧心掌山候色承  
顏何嘗暫離於膝下方倚南山之回長北極之尊豈圖  
就養之歡遽乖於扇枕問安之地翻類於過隙念凶妨而  
自咎思顧復以何酬所冀扶杖墳塋結廬山隧瞻奉觴奠  
依憑園寢終三年之禮企及通喪轉一切之經庶邀冥福  
一以資未來之果下以攄罔極之心伏惟陛下孝通神明  
仁洎草木乞體荒疚特垂憐許使烏鳥微志獲與耘禽致



哀犬馬孤誠得從耕象申慕則窮喘無恨餘生知幸無任  
哀切之至謹附使具官某奉表陳請以聞

爲魏國北寺西寺請迎寺額表

沙門臣某等言竊聞加隆園寢漢道以光潔誠宗廟周卜  
惟永斯但禮極崇奉事昭嚴配未能尊揚七覺酬顧復於  
前生幽贊三途樹津梁於後劫伏惟聖母神皇陛下中天  
構極截海凝圖懸法日而貞觀汎慈舟而利涉天經地義  
之德率禮因心奉先追遠之誠宅緣證果宏濟深於冥境  
薰修入於梵門天子之孝感陰陽而通鬼神聖人之心刑

萬邦而被千祀乃者深發睿思永懷遺躅禱帷轍跡之所  
盡建寶坊南北東西之域咸修法宇佛刹周於天壤寺名  
因於國號自崇陽改諡奉明增邑雖配天感其已革於常  
數而淨境大名尚題於舊額是以稻麻衆侶葵藿微心願  
宏金石之名思降瓊瑤之札愚言聖擇已蒙昭許日往月  
來未遑迎致今望以九秋嘉節七月良辰當奠莢之初滿  
屬孟蘭之始獻勝幡香蓋延寶字於金門法鼓天花奉齋  
書於象闕俾夫道路瞻仰虛空頌讚高懸銀榜豈惟天地  
之宮列署瑤房遠邁神仙之宅某等或枌榆故社或桑梓

舊京謬參龍象之筵豫奉衣冠之列白雲千里瞻帝鄉而  
極目朱門九重望宸陛而延首倘皇慈曲被人願不違則  
八部式歌四海知幸無任懇佇之至  
鄧兼至為獨孤氏請陪昭陵合葬母表憐之具而酌寒  
妾獨孤氏言妾早罹艱罰終鮮急難門構傾頽宗緒斷絕  
零丁在疚微眇何依賴母氏劬勞顧存鞠撫漸離厄瘵以  
至成立犬馬含識烏鳥有情空懷返哺豈曰能養枯鮮何  
幾隙駟不追擗地扣心仰天泣血應門乏五尺之嗣當室  
無三年之主衣衾之舉誰則始終奠醑所存實寄惇眇今

日月斯邁龜策告期將安窀穸或從遷祔妾亡祖唐右衛  
 大將軍溧陽縣公彥雲跡參締構功勒鼎彝亡父唐某府  
 折衝都尉襲溧陽縣公臣某寵懋戎行嗣守藩服咸得託  
 基橋岳陪瘞穀林杜氏階前雖云非古齊君牖下義彰自  
 昔儻蒙返魂舊塋合骨先壟則存沒榮幸幽明感戴妾百  
 罹兼至六極備嘗雖送往飾終無資石槨之厚而傾家破  
 產不贍塗車之費先臣苴茅舊封食菜遺業頌諸同族散  
 在別房相彼誓河事憑先德永言書社宜奉大宗伏望哀  
 此孤微惠以絲紼迴一歲之邑入助斤齡之宅兆豈惟哀

多益寡有叶典經固亦勸義篤親實允觀聽妄生輕艾藿  
地接葭莩承夏禹之致孝屬唐堯之敦敘荒情謬款輕敢  
上祈天造曲成儻蒙哀遂無任窮懇之至謹詣朝堂奉表  
以聞穢黷冕旒伏增戰越

帝閣  
為某官等請預陪告廟獻捷表

臣某等言臣某沐道昌期承榮休歷或叨恩獎擢謬隨州  
縣之班或收拙罷歸行戢邱園之影徒懷闕庭之感終絕  
雲霄之望不謂幽誠上達卑聽下臨太陽之暉遠鑒於傾  
藿油雲之澤俯潤於織荆俱延鶴板之恩遂忝龍闈之召

雖秦君入夢暫喜登天晉士披心長祈捧日豈足方其榮  
幸匹此歡泰今三軍凱入邊境廓清五室恭禋靈祇配享  
介冑承策勲之禮衣冠陪執豆之儀萬辟同趨百蠻在列  
有識搖心而竊抃含靈廓背而延頸臣等鞠躬天闕待命  
帝閣馳心目於九霄隔門庭於萬里企悚之至徘徊罔極  
伏望俯垂矜察曲賜參陪使得接影蹒蹒充鳥獸之前列  
隨肩濟濟望夔龍之後塵則夕死朝聞有欣於服道千齡  
一遇無憚於灰骨不任延佇企悚之至

多盜真會和典盤固本備真誠實水購讓安坐舞美

欽定全唐文卷二百四十六目錄

李嶠五

爲汴州司馬唐授衣請預齋會表

爲百寮請加王慈徵等罪罰表

請令御史檢校戶口表

爲左丞宗楚客謝知政事表

謝加授通議大夫表

謝賜優詔矜全表

爲武承嗣謝男授官表

爲王華暢謝兄授官表

謝撰懿德太子哀冊文降勅褒揚表

謝撰龍臺碑蒙賜物表

爲納言姚璿等謝勅賜飛白書表

謝加賜防閣品子課及全祿表

爲第五舅謝加賜防閣品子課及全祿表

爲御史大夫婁師德謝賜雜綵表

爲武攸暨謝賜錦表

謝端午賜物表



謝端午賜衣表

謝臘日賜臘脂口脂表

謝許致仕表

爲水潦災異陳情表

自敘表

...

...

...

...

...

...

...

...

...

欽定全唐文卷二百四十六

李嶠五

為汴州司馬唐授衣請預齋會表

臣某言臣母氏齒髮既衰風氣彌積寢興乖豫定省不安  
陛下降視萬方俯矜一物哀老母虛羸之疾慙愚臣煎迫  
之私宏以不匱之恩布以非常之澤使得暫辭藩岳別梁  
郡之襜帷旋赴京都求越人之砭石自班輿首路潘宅來  
歸承厚蔭於四天接歡言於九族雖名醫上藥研祕術而  
未嘗而佩德感恩覺沈疴之半愈屬千齡啟旦十號登樞

演金石之微言呈玉毫之寶相三千國土俱傳貝葉之文  
億萬天人並入蓮花之會臣六時空念五起未寧思酬顧  
復之恩願假招提之福儻獲書名檀供廁影法筵罄歸依  
迴向之心受清淨菩提之果實望三身覆育開梵帝之仙  
坊十善護持發醫王之祕藏永離災厄長登福壽上以祈  
龍象之深惠下以申烏鳥之懇誠豈惟區區闔門獨荷於  
仁覆故亦悠悠法界永覃於孝理不量淺薄敢輕上祈塵  
黷威嚴伏增戰越臣某誠惶誠恐頓首頓首

爲百寮請加王慈徵等罪罰表

臣某等言伏見逆人王慈徵等並擢自凡庸累承恩獎遂  
得叨榮秩職此禁戎任切爪牙寄同心膂而忠勤之志莫  
效於鷹鷂悖逆之憊反同於梟獍向使邪謀不洩陰計遂  
成將恐變起宮闈禍生肘腋此實靈祇之所切齒臣子之  
所寒心若但寘以恒科委之常憲何以明大憝之愆咎杜  
元凶之覬覦望請污其宮室輟之都市用遵雷電之象允  
叶春秋之義則衣冠塞望夷夏甘心無任憤切之誠謹冒  
死陳請臣某等誠惶誠恐頓首頓首死罪死罪謹言

請令御史檢校戶口表

臣聞黎庶之數戶口之衆而條貫不失按此可知者在於各有管統明其簿籍而已今天下之人流散非一或違背軍鎮或因緣逐糧苟免歲時偷避徭役此等浮衣寓食積歲淹年王役不供簿籍不挂或出入關防或往來山澤非直課調虛蠲闕於恒賦亦自誘動愚俗堪爲禍患不可不深慮也或逃亡之戶或有簡察即轉入他境還行自容所司雖具條科頒其法禁而相看爲例莫適遵承縱欲糾設其僣違加之刑罰則百州千郡庸可盡科前旣依違後仍積習簡獲者無賞停止者獲原浮逃不悛亦由於此今縱

更搜簡而委之州縣則還襲舊蹤卒於無益臣以爲宜令御史督察簡校設禁令以防之垂恩德以撫之施權衡以御之爲制限以一之然後逃亡可還浮寓可絕所謂禁令者使閭閻爲保遞相覺察前後乖避皆許自新仍有不出輒聽相告每糾一人隨事加賞明爲科目使知勸沮所謂恩德者逃亡之徒久離桑梓糧儲空闕田地荒廢即當賑其乏少助其修營雖有欠賦懸徭背軍離鎮亦皆捨而不問寬而勿徵其應還家而貧乏不能致者乃給程糧使達本貫所謂權衡者逃人有絕家去鄉離本失業必樂所住

情不願還聽於所在隸名即編爲戶夫顧小利者失大計  
存近務者喪遠圖今之議者或不達於變通以爲軍府之  
地戶不可移關輔之人貫不可改而越關繼踵背府相尋  
是開其逃亡而禁其割隸也就令逃亡者多不能總計割  
隸猶當計其戶口等量爲節文殷富者令還貧弱者令住  
簡責已定計料已明戶無失編人無廢業然後按前躅申  
舊章嚴爲防禁與人更始所爲限制者逃亡之人應自首  
者以符到百日爲限限滿不出依法科罪遷之邊州如此  
則戶無所遺人無所匿矣



爲左丞宗楚客謝知政事表

臣某言臣志識無取才藝缺然叨豫葭莩遂昇班秩彈冠  
受檄曳組登朝內府尸榮已招官諂中臺揆務愈塵政本  
聖恩無限天造不貲仍屈帝難俾參皇極西雍之羽仍所  
庶幾東郭之毫敢陳誠請九霄徒邈三舍不迴嚴命必行  
醜顏何寘方持畫虎且對羣龍遂以挈瓶謬膺和鼎空焉  
作礪之命豈庶磨鉛之功祇拜寵臨伏增慚惕無任悚戴  
屏營之至謹奉表陳謝以聞

謝加授通議大夫表

臣嶠言伏奉恩制加臣通議大夫守成均祭酒兼檢校文  
昌左丞餘如故榮過望表慶溢身涯荷寵祇恩蹈冰臨谷  
臣嶠中謝臣鷺雀之羽多謝於飛翻蟬蛸之衣久慚於忝  
竊屬秦人望幸虞帝卜征萬騎時巡不陪遊於渭北四關  
留鎮獨延歆於周南劬勞異羈勒之臣寵渥均廟堂之士  
燕息余分隔於陽和楚塞輕茅遂承於雨露仰平分而  
載距撫留滯而成歡惠重邱山徒深於抃舞身輕糞壤豈  
議於荅酬無任喜戴慚惶之至謹附某官奉表陳謝以聞

謝賜優詔矜金表

欽定全唐文

臣僑言臣植性愚陋稟質庸踈過蒙恩私特垂獎飾擢自  
泥滓之下昇之雲霄之上參豫機密接奉軒墀寵光百僚  
榮被九族殞身未能以荅施灰骨不足以明恩屬日月齊  
明乾坤交泰弓旌出谷俊乂盈朝非親非賢無藝無識猥  
將齊竽入吹謬以鄭璞爲珍昔綜銓衡有慚簡要署置過  
當涇渭莫分致令外削氓黎內傾府藏煩擾之弊旣傷於  
國體謗訕之咎允集於臣躬是用仰慙公朝下積私懼顧  
循支離犬馬之疾恐玷棫樸鷓鷯之羣不敢仍勞準繩實  
願自甘屏黜言布心腹輒以陳祈而愚慮不周僣違自速

有命遄降營魂載飛豈徒絕望邱園故有甘心鼎鑊忽蒙  
 聖恩懸察慈旨曲矜爰集簪纓諭以絲紱許臣以無憊衡  
 鏡怪臣以輒謝鹽梅察臣誠款之心知其憂國覽臣狂愚  
 之奏謂合事宜謹讓之中恩多而責少含容之內善詳而  
 過略本將因愆而獲戾翻乃以誚而蒙榮惟大造曲成既  
 蒙再生之惠小人多幸方輸九死之荅無任欣喜踴躍之  
 至謹詣明福門奉表陳謝以聞臣嶠誠歡誠喜頓首頓首  
 死罪死罪

為武承嗣謝男授官表

臣某言伏奉恩制除臣息尚舍直長史某爲左監門衛長  
史榮隨恩集歡與懼并臣攀軫日車附流星漢才無天質  
藝以地高陛下每降皇情特垂聖蔭先親後踈之澤自葉  
流根謀孫翼子之慈愛人及息遂復推恩家室假職幼童  
參九等之班榮掌重門之禁衛賞延之命寧待於勲庸敦  
敘之風但緣於骨肉雖東平之子能趨拜咸錫印章齊國  
之地可割分悉侯支庶豈足以方斯嘉惠匹此殊渥奉絲  
綸而仰德叩木石而論心受生於天但知榮荷曝骨於地  
何階酬荅無任悚戴慚懼之至謹詣朝堂奉表陳謝以聞

爲王華暢謝兄授官表

臣某言臣兄某前某官某月日特蒙恩詔擢授武州司馬未及赴職即八月改除亳州司馬再三榮命叨荷恩私在臣宗門實爲慶幸臣兄自歸解巾從仕三十餘年五爲縣宰三遷州佐政皆通顯職實蕃勤直道在公有始終之節平心應物無造次之憊在於周行頗蒙推擇近屬虺寇搆術惑亂豫州詿誤平人自貽梟滅陛下憫荆河之俗遭此無辜弔海濱之人使同昭慶以爲奉揚皇化者必藉其才撫御窮人者亦資有德臣兄同濫承天獎遷移武州在於

大恩實爲超擢今者未及赴任復蒙改授亳州重疊承恩  
翻同貶降朝廷體例實以爲先臣兄弟叨榮濫竊非據臣  
兄旣授不合冒聞但以始者承恩越蒙抽擢今有何過遂  
同左遷區區懇誠輒敢祈懇伏願皇恩有裕降昭獎之恩  
兄果竭忠獲展才之地小臣死日猶生之年臣無任云云  
謝撰懿德太子哀冊文降勅褒揚表

臣某言昨奉勅令臣撰懿德太子哀冊文臣術異懷蛟藝  
非吞鳥四科函丈多謝於文學七子登筵有慙於詞賦恭  
聞聖旨輒奏庸音豈足以褒敘重離激揚三善宣睿慈之

側愴迷天顧之綢繆曲降絲綸猥垂剪拂諭之以雲間日  
下方之以陸海潘江飾嫫母之容加其粉澤瑩砒砒之質  
發其光彩雖宋玉大言見褒於楚國公孫下策蒙賞於漢  
朝無以比此揄揚方斯恩渥欽戴紫紱伏銘元造仰高天  
而發悸顧短札而成羞無任慙荷戰懼之誠謹詣閣奉表  
陳謝以聞

謝撰攀龍臺碑蒙賜物表

臣嶠言伏奉恩勅編撰攀龍臺碑文賜臣物四百段研精  
不優篆刻無術下帷闕蛟龍之學搦管慙鳳凰之思猥辱



隆命俾圖光範戴天知跼仰大象而增迷遊聖爲言撫營  
魂而自失寧足以發揮一德揚摧萬分述虞后之孝思談  
姬文之睿業而天情不匱帝造無涯式推愛敬之心用廣  
褒崇之惠披文相質本殊黃絹之詞頒賞計勞遂承紫泥  
之渥荷寵惟懼瞻恩載覲祇奉之日悚汗交馳無任慙戴  
屏營之至謹附洛州奏事使具官臣某奉表陳謝以聞

爲納言姚璿等謝勅賜飛白書表

臣璿等言今月十一日侍宴蒙恩作飛白書題臣等名字  
垂賜跪承寶貺仰戴瓊文如披七曜之圖似發五神之檢

九霄靈澤與垂露而同霑千載嘉祥共迴鸞而共集冠六  
文而首出掩八體而孤鶩眇乎若遊霧之拂春林靄乎似  
輕雲之上秋漢頡皇之始模蟲篆未足多奇劉后之嘗學  
史書孰云能擬固已工踰懸帳妙盡刻符鍾繇竭力而難  
比伯英絕筋而不逮則知乃神乃聖包衆智而同歸多藝  
多才總羣方而兼善諒天機之獨運豈凡識之能窺臣等  
才埒瓶筭任叨衡石器滿之誠每切於愚心棟隆之吉實  
慙於明代而天慈曲獎聖造不遺厚祿尊官旣殫恩而極  
寵良長美景又申歡而接宴慶方行而已及澤未溥而先

加殊恩與骨肉等深縉禮共衣冠相絕今復親陪睿賞特  
流宸翰羸氏之魂遊天上未比超昇闕生之名在月中詎  
方遐邈昔者韓稜深博肇蒙於署劍田鳳名流僅聞於題  
柱未有芝英草聖近縉於彩牋合璧連珠俯光於掌握在  
臣叨忝獨冠古今方且示彼記言傳諸貽訓表一人之殊  
寵留百代之榮觀手舞足蹈徒申踴躍之心摩頂至踵豈  
荅生成之施無任欣戴之至謹詣闕奉表陳謝以聞

謝加賜防閣品子課及全祿表

臣某言伏奉恩旨加賜臣防閣品子課及全祿並以特進

全給身若在京仍朝朔望者臣自叨榮職無補分毫抱疾  
沈疴有踰年歲蒙賜臣骸骨得守邱園方從麋鹿之遊分  
隔鷓鴣之侶不謂皇私廣被天造曲成迴日月之光更臨  
幽側降雲霄之澤俯潤凋枯歲時頒廩藏之儲朔望接縉  
紳之禮無績無効虛忝於恩榮非才非賢謬霑於祿秩仁  
慈出於分外寵渥生於望表邱山厚澤猥及下流草木輕  
生何階上荅臣苦腰脚軟弱不獲躬詣闕庭拜謝無任慚  
悚喜荷之至謹因留守奏事奉表陳謝以聞

爲第五舅謝加賜防閣品子課及全祿表

臣某言伏奉恩旨加賜臣防閤品子課及祿并全給身并  
在京仍朝朔望者臣運偶時來久叨匪服鐘鳴漏盡得保  
懸車逢舜歷之雍熙遂堯人之耕鑿乾坤舍養之德尚貸  
光陰雨露霑霑之恩不遺枯朽特降綸旨優加祿秩更沐  
天慈許朝朔望錫大造於平分之一外收無能於委棄之餘  
荷澤蒙榮空深於抃躍殘生餘喘豈期於荅効無任慙悚  
喜荷之至謹附中使某官某奉表陳謝以聞

爲御史大夫婁師德謝賜雜綵表

臣某言顯福門宣勅出彩八十段賜臣充軍裝臣才質駑

下智能短乏謀非上略識豈中權謬奉殊私猥參大任雖  
鑿門之志必掃妖凶而受鉞之功未宣戎幕遽延寵命先  
承優賞懷恩切既懼且慚惟當誓骨銘心永緘天地之  
施觸鋒突刃常爲士卒之先庶邀犬馬之勲遂滅鯨鯢之  
黨七擒三捷誠所庶幾九死一生豈當還顧無任悚戴歡  
欣之至謹奉表陳謝以聞

爲武攸暨謝賜錦表

臣攸暨言伏奉恩旨以臣昨扈遊上苑執轡還宮特賜臣  
瑞錦一匹臣某中謝臣承暉日月漸潤雲霄叨符聖慈累

延宸照遂得入陪金殿出捧玉輿瑤水參八駿之遊璿臺  
翊二龍之舉榮兼侍從寵冠宗枝捧日無以儷其歡登天  
未足儔其樂昔蟻封啟繇不迴參乘之恩駟馬從良寧承  
附輿之澤在臣叨忝實邁古今徒欣不世之榮豈望非常  
之賜況臣地兼臣子職奉君親斲尋咫尺之途纔捧神仙  
之馭有何殊効合降隆私陛下恩愛曲成綢繆累洽俯迴  
珍異猥及庸 坳開緘題伏視文彩爛若朝霞之初起粲  
如春花之競發 郁濯具本自非儔朝鮮製衣則知難擬  
方且裁而學政希勉勵於天工服以晝遊庶光榮於戚里

效微施廣徒益慚惶恩重命輕罔知酬荅無任悚佩之至  
謹詣閣奉表陳謝以聞

謝端午賜物表

臣某言中使某至伏奉手詔慰諭并宣口勅賜臣端午衣  
一副及銀椀百索等兼賜大將衣若干副者天書綢繆聖  
澤汪濊被服輝煥承恩隕越臣某中謝臣聞日移東井律  
應南風正陽為納慶之辰長羸表交運之節臣謬膺任使  
備位守臣撫封而多愧無能望闕而遙思獻壽而陛下恩  
覃率土寵並勲賢俯因初五之辰遠頒尺一之詔衣垂織



靡之盛器飾雕刻之珍則辟邪寧假於赤符蠲癘詎勞於  
朱索況賜霑裨將化洽方偶仰荷殊私實慚非據誓將誕  
敷渥澤保定藩維變淳風於邑里宣戎政於軍旅俾谿洞  
安靜波濤不驚伏惟皇明俯照丹慊臣無任云云

謝端午賜衣表

臣某言中使某至伏奉手詔慰諭并奉宣聖旨賜臣端午  
衣一副銀梳百索等大將衣兩副者王人遠臨天賚下逮  
承恩捧詔心悸汗流臣伏以正陽屆節初五授時萬國獻  
珍以稱壽九天垂衣而納慶至如靡麗出於王府頒賜及

於方隅蓋所以褒寵有功旌異有德顧臣庸劣未補涓毫  
沐日月之齊光與勲賢而並命猥將固陋之質獲茲器用  
之深衣降九天懼與刺於鵜翼縷分五色增長壽於堯年  
何角黍之足稱豈織繒之爲比況賚及裨將澤被戎行顧  
茲殊賜實愧非據臣一至湖湘再周星歲扇皇風而蘇息  
黎庶布聖澤而底定封疆今井賦不憊軍旅知訓庶期獲  
悍之俗獲躋仁壽之域伏惟鴻造俯察丹誠無任云云

謝臘日賜臘脂口脂表

臣某等言品官劉阿道至奉墨勅賜臣等臘脂口脂等物

恩命忽臨喜抃交至手舞足蹈心慚意悚伏以安寧戒序

嘉平在節白日臨於陽谷繁霜入於露寒蘅林始蒔疑桂

筵豐暇青牛帳裏未輟鑪香赤鳥窓前新調鉛粉因三冬

之吉慶造六宮之脂澤糝之以辛夷甲煎燃之以桂火蘭

蘇氣溢象奩香衝翠幄以光金屋之仙御以賜瑤房之帝

嬪南國容華之人從來未識西京妖冶之妾何時可見臣

等叨膺天命謬總留臺雖天動星迴蹇違於侍從而雲行

雨施更延於恩渥猥承郵驛曲賜絲綸分八子之膏腴及

三臣之瑣賤竊窺明鏡已覺衣冠之不任旋顧粧奩遂成

箕箒之多幸身輕塵露佩德空深貺等邱山殞身何咎無  
任踴躍屏營之至

謝許致仕表

臣某言伏奉恩勅聽臣致仕祇服慈造不勝銘戴臣本無  
器識素乏材能幸屬時來屢蒙朝獎虛受榮遇迄無成績  
光陰漸迫衰疾常留二豎頻侵十旬每曠懼忝腹心之寄  
遂陳骸骨之請天情曲獎聖澤旁流殷鼎調梅雖輟參議  
漢藩剖竹仍叨臥理百城肇案六疾彌加竟虧露冕之功  
俄錫懸卑之寵方循初服退守故園忘機求漢水之翁擊

壤就堯衢之老歌太平而永日飲聖澤而窮年林壑長辭  
俟卉木而俱槁雲霄坐隔仰闕庭而增慕無任犬馬棲戀  
之至謹因留守起居使奉表陳謝以聞謹言

爲水潦災異陳情表

臣嶠言臣聞明主程才先求於稱職忠臣効用必務於量  
已然後庶官無廢百度以康若使假鳳登朝真龍不馭將  
緣鶴之鼎方憂於折足和鸞之駕必誠於傾軛豈徒鍾鼓  
生祆蠻夷起笑而已臣瓶筭賤器駑蹇輕姿同鼯鼠之五  
伎不成異飛鴻之六翮兼備遭逢幸會累叨階級陛下降

非常之澤垂不次之恩昇之冢司握九流之銓管委以樞  
近參萬機之損益傳說作舟之命徒奉箴規仲山補袞之  
談曾微荅効致令衡鏡失序紀綱不張官僚日增府庫歲  
減謬職之誘或譏於畫武續貂敗官之尤有議於誼盧吠  
鵲下生朝野之蠹上悖陰陽之和水潦爲災慮深於昏墊  
黎氓失稔憂在於溝壑軫皇情於南面墜國庾於西成虧  
變理之節失平分之度推其咎戾實在微臣昔者堯逢阻  
饑而四岳咨訪漢遇災異而三公策免舉遺才而求俊乂  
退不肖而清庶官厥有由來著於古昔臣繹熙莫効尸曠

無成以擁腫之凡材抱支離之痼疾久懷致寇之祿猶帶  
妨官之綬覩目而視不遑自安是用啟處慚惶寢興誠惕  
思解鷓鴣之服願辭鷓鴣之行庶得保愚公之廬避賢者  
之路以寧衆口之囂謗以荅三靈之譴咎則物情朝序誰  
不謂宜昔干木辭第恒思衛生營平寢瘵不忘憂國當今  
兵戎未靜費務方多人庶空虛官僚苟且不可不深爲防  
慮妙思政術臣銜恩佩德念咎慙榮雖智効無聞自甘於  
罷黜而庸短所見猶樂於輸畫不勝區區之意謹昧死陳  
利害事一封幸當明主不諱之朝敢効愚臣無隱之節倘

金史卷之三十一  
三十一  
三十一  
蒙赦其狂直收其固陋乃冀有益纖芥効添山海無任悚  
懼懇誠之至謹詣朝堂奉表陳請以聞

自敘表

臣嶠言奉今月十七日口勅令臣等各自述行能進者臣  
以蒙鄙遭逢休歷陛下降非常之遇垂不次之恩擢處崇  
班超登近侍上感皇明識遇之厚下憂忝冒負乘之責常  
願肝腦塗地以報所天魂魄歸泉不忘結草至於欲披誠  
款曲盡智能竭心本朝輸力明主此臣日夜之所思念曾  
襟之所蓄積豈敢更爲進退苟事廉隅固守撝謙坐飾邊



幅臣早邁凶閔素甘賤貧少纏羸疴不任勞苦從仕代饑  
寒之役徇祿無顯達之心修身懼於辱先履道期於遠寄  
見強禦之爲患也故處之以謙卑知刻薄之爲尤也故行  
之以仁恕慕退讓不敢從馳競之流戒貪殘不敢爲絲髮  
之犯若乃溫良誠信之道忠孝友悌之規莫不仰承聖風  
俯蹈家訓束太平之名教移中人之志業及其屏私昵忘  
比周内無術數之機外絕朋附之黨一心奉主介然孤立  
此臣之所以登朝廷而事明聖全直道而勛身名者也夫  
臣事君有死無二見危則致其命當事則先其勞有罪不

敢辭有能不敢隱是以西戎不靜充國自銜其謀南越未  
賓終軍思赴其難臣幸蒙採擇得備驅馳若使飾固陋之  
心竭駑蹇之用勉之以匪懈將之以至公則雖簿領百端  
樞衡衆務亦淺深而必効何難易之敢辭哉蓋明主程才  
以建官忠臣量己以受職是故輪轅異適水火殊用當其  
材則事逸而功倍乖其分則形勞而績虧陛下棄短收長  
循名責實使得効其薄伎申其末用則臣之淺術可得而  
言臣曾涉經典篤好文史漸六藝之腴潤馳百家之閫闕  
至若操觚秉牘紀事屬辭雖竊比老彭誠未擬於先哲而

上追班馬敢自強於後進陛下以欽明撫運齊聖握圖元  
千齡而首出超百王而高視德澤汪濊典章明密至道共  
八風俱翔神功與四時並運是以衆庶悅豫符瑞肝蠻九  
服清夷百蠻職貢而嵩高粱父未修昭報之壇禮官儒林  
不輯昇平之頌使鴻名有時而鬱良史靡得而稱臣竊懼  
焉昔成康之隆頌聲並作武宣之盛文章閒起虞德茂而  
臯繇作歌魯道興而奚斯有述然後功業顯乎代德音昭  
乎聲若夫保馭中和憲章大雅通諷諭之旨摠嗟嘆之懷  
此臣子之舊經國家之前式不可闕也臣幸得沐浴恩造

扶侍軒墀目覩雍熙心積憤懣思陳愚瞽庶存萬一徒以  
牽迫賤事卒卒無須臾之閑頓伏疋羸軋軋多沈滯之思  
常恐犯霧露填溝壑不獲贊揚上德攄布下情生爲負義  
之人死爲孤恩之鬼是用終朝三省達夜九迴撫心刻意  
屏營反側倘得參名芸閣假跡蓬山探石室之秘文覽金  
版之遺籍聽歌探頌以觀四方之風講藝論詩以崇三代  
之式第其科目載之簡編大以薦陳郊廟報享成功小以  
敷布樂章潤色鴻業使宏勲播於金石盛德流乎舞詠光  
濟於當日洋被於來葉然後退沒草澤下入幽泉猶生之

年也冒陳愚懇惟我陛下察焉臣嶠誠惶誠恐頓首頓首